

„Droschak”

ORGANE
de la Fédération
Révolut. Arménienne.

ԴՐՕՇԿԿ

Adresse :
RÉDACTION DU JOURNAL
„Droschak”
GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ” ՕՐԳԱՆ

PRO ARMENIA

Մոխրակոյտի վրայ բազմած, արտասուքը աչքերին, մի ձեռքը կրծքի լայնաբերան վերքին, միւսը խորշոմած ճակատին, սգաւոր հայր, ինչպէս անմխիթար մեռելա-տէր, խաբած զօրեղներից, մոռացած երէկւայ վիճա-կակիցներից, շնչասպառ ականջ է դնում, որտեղից որ է, մի ցաւակցական խօսք, մի մխիթարիչ ձայն...

Եւ ահա այդ ձայներից մէկը՝

„Պրօ Արմենիա”:

Հայաստանի համար...

Ի՞նչ է Հայաստանը — Աշխարհագրական անճճն, պատ-մական աւանդավայր. չէ, այլ անլուր, առասպելական տանջանքների վայր, նահատակութիւնների մի վիթխարի մարմնացում, որ 95-ից դարձել է և ընդ միշտ պիտի մնայ պատմութեան մէջ սիւն օնիս, համանիշ այն բոլորի, ինչ հնարել է չարագործ ուղեղը՝ մարդը մարդու ձեռքով տանջելու, մարդը մարդու ձեռքով մարտիրո-սացնելու համար...

Հայի հայրենիքը չէ նա, այլ հայի տանջարան...

Իսկ ի՞նչ է ինքը, հայր: Ստրուկի Ոչ. — նա կուեց: Ազատ: Ոչ. — նա շղթայակապ է: Անբախտ: Ոչ. — նա հիացմունք զարթեցրեց: Բախտաւոր: Ոչ. — նա յուսախաբանեց: Ի՞նչ է ուրեմն նա, ի՞նչ և նրա վիճակի անունը: — Հայ: Ուրիշ ածական գոյութիւն չունի բառարանների մէջ: Կամ պիտի ստեղծել, կամ երբ հարկաւոր է ցոյց տալ մի ազգ, մի մարդ, մի անհատ, որ ստրուկ է՝ թէ և ար-ժանի ազատութեան, տանջւած՝ բայց արժանի երջանկութեան, խաբւած՝ բայց արժանի անկեղծ աջակ-ցութեան, շղթայակապ՝ թէ և պատմութիւնից կոչւած շղթաները փշրելու, — այն ժամանակ գործ ածեցէք մի բառ միայն — հայ: Ուրիշ բառ չկայ: Հայ, — տանջ-ւող մարդն է դա:

Տանջւող մարդ...

Դա է ժամանակակից մտածողի նշանակէտը, նրա յոյզերի և հոգեկան փոթորիկների նպատակը, սիրած և անսահման սիրոյ մէջ՝ ատած առարկան: Մարդասիրու-թեան տանջանքն է դա: Հին սպարտացու իդէալն էր — կուե՛լ հայրենիքի համար: Նախկին քրիստոնիայի իդէալը — խաչի համար: Ժամանակակից մարդու իդէալը — տանջւողի համար...

Տանջւող՝ հայրենիքի մէջ տանջւող հայրենիքից դուրս. տանջւող խաչի համար, տանջւող խաչից հեռու: Այլևս ոչ մի սահմանագիծ, ոչ մի շրջանակ, ոչ կրօնի, ոչ հայ-րենիքի: Մարդու համար տրոփող սիրտը այսօր այլևս սահման չէ ծանաչում. նա բողբոջում է ամեն տեղ, ուր բռնութիւն կայ. հնչում է իր ձայնը ամեն տեղ, ուր կարիք կայ. ցասման աղաղակ է բարձրացնում ամեն անգամ, երբ օգնութիւն աղերսող կայ, մի օր Յունաս-տան, միւս օր Լեհաստան, մի օր Կուբա, միւս օր Տրանս-վալ, մի օր Մակեդոնիա, միւս օրը Հայաստան:

Այս ներքին մեծութեան խթանն էր, որ մղեց մեծ Բայ-րօնին Յունաստան, մեծ Գալիբալդին Ամերիկա, Լաֆայէտին Միացեալ-Նահանգները. այդ ոգին էր, որ մի խումբ քաջեր մղեց Թեսալիա՝ Չիպրիանիի՝ ձեռքի տակ, մի այլ խումբ ազատասէրներ Տրանսվալ՝ Վիլլորուա-Մարիօյի ձեռքի տակ... Դրա մէջն է ժամանակակից մտածողի, գործողի, գրողի գաղափարական մեծութիւնը, նրա հաւը, նրա հրապոյրը, ինչպէս և, աւանդ, նրա հոգեկան կրկ-նակի տանջանքը...

Ահա գրողը սեղանի առաջ. — ամբողջ զէնքը՝ մի կտոր թուղթ, մի փոքրիկ գրիչ: Ըրջապատող պարզութեան մէջ նրա կուրծքը ներքին փոթորիկի մի շտեմարան է ներկայացնում. նա յուզւած է, ենթակայ աննկարա-գրիչի վշտերի: Լուրերը գուժաբեր են, ծանր, յուզող:

Դիտում է նա, ինչպէս արծիւը ծերպի վրայից, տանջ-ւող հալածական, թշուառ մարդուն ամէն տեղ, բոլոր անկիւններում. — և այն ձորերում, ուր կատարեց կոտորածներ իշխալք ողբերգութիւնը, և այն լեռների տակ, ուր հելլէն գիցաբանութիւնը շղթայեց Պրօմէթէօսը. այն վեհանուն վայրերում, ուր Պերիկլէս-ների և Դեմոսթէնէսների հայրենի ստեղծագործութիւնը զոհ տրւեց փաշաների տիրապետութեան. կղզիների շուրջը, ուր „վայրենի” Ագվենալդօ ազատութեան երգեր հիւսեց իր ժողովրդի վշտերից. սրբազան Գանգէսի ափին, ուր դեռ սաւառնում է Բրահմայի վարդապե-տութեան դարեւոր ոգին. Աֆրիկեան դաշտերում, որտեղ նորագոյն հերոսները նորագոյն թերմօպէլ ստեղծեցին. եկեղեցու մէջ, ուր անօգուտ Աստուծո անունով ազատ միտքը շարունակում է կրել շղթաներ, հիւսւած „սուրբ հայրերի” փափուկ մատներով. գահերի շուրջը, ուր „հայրախնամ” քօղի տակ նոր լուծեք են դնում

ազգերի շինքին, կոփած գայիսօնակիր ձեռքերով...

Տարիներ առաջ, հատ հատ, բացառիկ էին «օտար» տանջողների պաշտպանները. բայց երեկւան բաժան ուժերը այսօր միմեանց մօտենում, խմբւում են, ամբողջ կազմակերպութիւններ, կուսակցութիւններ են դառնում ընդունակ ղեկավարելու, նոյնիսկ սպառնալու նրանց որոնց փեշակը դարերի ընթացքում միմիայն սպառնալիքն է եղել Մարդկային տանջանքը, թոյլերի վիշտը, խողխողողների երկրից հնչող աղէխարշ գոչերը միացրին միմեանց անձանթ, տարբեր ազգերի, տարբեր կրօնների պատկանող հոգիները: Բողոքը այժմ անհատական է, այլ խմբական: Դա թշուառների սփոփանքն է. սպառնալիք բռնութեան...

Եւ դրա մի նոր ապացոյցն է այս օրգանը, «Պրօ Արմէնիա», որ լոյս տեսաւ Փարիզ, նւիրւած հայերի պաշտպանութեան — զարդարւած այնպիսի գրաւիչ անուններով՝ ինչպէս Կլէմանսօ, Անատօլ Ֆրանս, Ժօրէս, Պրեսանսէ, Դը Ռօբէրտի, Ֆերրի, Վանդէրվելդ, Բիառ, որոնց անշուշտ կը գան ձայնակցելու շատ հայասէրներ Լամանշի և Հոենստի միւս ասիւրից, և գուցէ այնպիսի երկիրներից, ուր նահատակ ժողովուրդների աղերսը դեռ ցասման աղաղակներ չէ կորցել անտարբեր բերաններից...

Կ'անցնեն տարիներ...

Արտասուքի ձորերում — մեր անխախտ հաւատն է դա — կը ցամաքի արեան վերջին կաթիլը, և բիրտական դրախտի փառաբանւած գեղեցկութեան հովիտներում՝ հարաւի չքնաղ արեգակը սև-սև դիակների փոխարէն կը գայ լուսաւորելու շինականի կենդանարար աշխատանքը, ազատութեան անթւելի արգասիքները... Եւ այն երջանիկ օրերին, երբ խողխողած հայերի ազատ որդիքն ու թուները, դրդւած ներքին բնազդներից, կը դառնան դէպի պատմութիւն, դէպի հայրենի ստրկութեան սև օրերը, այն ժամանակ, — հաւատացէք, օտար բարեկամներ — այն ժամանակ ձեր անունները կը յիշեն այն խնկելի անունների հետ, որոնց կրած վիշտը ապագայում պարծանք պիտի կոչւի... Եւ հպարտ այն հերոսների յիշատակով, որոնք իրենց արիւնը տւեցին հայրենի երկրում ազատութեան ծիլեր բուսցնելու համար՝ հպարտ այն զոհերով, որ ազգային սուգի մէջ անգամ ժպիտ է բերում դառնացած սրտերին, ապագայ հայութիւնը խորին յարգանքով կը յիշի և ձեր քաղցր անունները, ձեր գործը, ձեր գրիչը...

Եւ աւելին: Ազատութեան օրերին, հայկական բարձրամակարդի այնպիսի խորշերում, որոնց անունն անգամ առիթ չէր ունեցել լսելու, հայկական նոր սերունդը ձեր անունների հետ միասին բարձրագոյն կը հնչեցնէ և այն գաղափարները, որ մենք ձեր միջոցով և ձեր հայրենիքից ստացանք — գաղափարներ՝ այժմ հալածական սուլ-

թանի երկրում, — մղելով նրանց դէպի աւելի հեռու, դէպի ասիական խորքերը...

Աւելի մեծ վարձք չկայ գաղափարի մարդու համար: Եւ այս թող լինի ձեզ արժանի վարձքը:

Պ Ա Տ Մ Ա Կ Ա Ն Զ Ա Ր Ի Ք

II

Առաջ բերելով հայկական միջավայրի, ազգային մեր առանցնայատկութիւնների խնդիրը, մենք չենք դնում մի մետաֆիզիքական հարց: Եթէ հիմնովին մերժենք անգամ ցեղական ուրոյն, հիմնական տարբերութիւնների մասին գոյութիւն ունեցող յայտնի թէօրիաները (Մօնտեսկիօ, Գիզօ, Տէն, Ռէնան ևն.), յամենայն դէպս պէտք է ընդունել առնւազը, որ կայ առանձնայատկութիւնների մի որոշ զանգւած, որ այս կամ այն ազգութիւնը ստանում է երկար ժամանակ միևնոյն պայմանների ազդեցութեան ենթարկւելով և այդ առանձնայատկութիւնները — ժառանգական օրէնքի համեմատ — սերունդից սերունդ փոխադրելով: Երկրի աշխարհագրութիւն, կլիմա, միջազգային դրութիւն, կառավարութեան ձև, օրէնքներ, պատմական անցեալ իր դժբախտութիւններով, յիշողութիւններով և փորձերով, գրականութիւն, լեզու, կրօն ևն, — ահա այն պայմանները, որ կարող են կրթել մի ժողովուրդի մէջ այս կամ այն հակամիտ, որոնք իրենց տեսակով կամ չափով չեն կրկնում ուրիշ ժողովուրդների մէջ:

Ահա ինչպէս է «յառաջացել մեր մէջ այն առանձնութեան հոգին, այն անսէր բարքը, այն կոպիտ անձնապաշտութիւնը, որ չէ թողնում հայերի մէջ գոյանալու մի ընկերական գործ, մի հասարակօգուտ հիմնարկութիւն»: Ահա ինչպէս են զարգացել մեր մէջ այն բնազդները, որոնց համեմատ՝ «ուր հարկաւոր է եղել միաբանութեամբ գործ դնելու թշնամու դէմ՝ քաղաքական առաքինութիւններ, հայերը՝ անձնական շահը գերադասելով ընդհանուրից, կործանւել են իրենք իրենց մէջ»:

Թողնենք մօտիկ անցեալը: Թողնենք այն զարմանալի տեսարանները, երբ Բերլինի դաշնագրից յետոյ՝ հայ ինտէլիգենցիան, ընդհանրապէս վերցրած, առանց տեղիցը շարժւելու, առանց մատը մատին խփելու՝ Եւրօպայից բացարձակապէս պահանջում էր «հայկական անկախութիւն» (տես 1878-79 թւերի պարբերական հրատարակութիւնները) — ոչ աւել, ոչ պակաս, իսկ հայ բուրժուազիան, հաւատարիմ իր մշտական սկզբունքներին, մօղայի հարցի չափ անգամ՝ կարեւորութիւն չէր տալիս այնպիսի մի հսկայական խնդրի, ինչպէս էր հայկական դատը: Դիմենք վերջին տասնամեակին միայն, երբ հայ-

Թրքական յարաբերութիւնները արդէն ստացան ամենասուր կերպարանք, կեանքի և մահու խնդիր ստեղծեցին մեզ համար և առաջ բերին մի տագնապալից, մի բացառիկ, մի անօրինակ ծանրագոյն վիճակ: Ի՞նչ կարող է աւելի պարզ լինել քան այն, որ բացառիկ դրութիւնը պահանջում էր նաև բացառիկ եռանդ, բացառիկ գործունէութիւն, բացառիկ ճիգեր: Բայց ո՞վ հետևեց այդ պահանջին՝ բացի ինտելիգէնտ կամ զուտ ժողովրդական երիտասարդութեան համեմատաբար մի աննշան փոքրամասնութիւնից:

Ահա մի քանի գծեր:

Հազարաւոր անհատներ կարելի է գտնել հայերիս մէջ, որոնցից իւրաքանչիւրը կարող էր ամբողջ նահանգներ զինել Տաճկահայաստանի մէջ: Դուրս եկած գոնէ մէկը: 1895 թւին, պատմում է Մակկոյը «(Սուլթան և Պետութիւններ)» հայկական կոտորածների տպաւորութեան տակ.

«Մի անգլիացի, իր քաղաքական համոզմունքներով պահպանողական, յայտարարեց, որ եթէ մեծ պետութիւնները, իրենց մեծագոր սկզբունքներով, արիւթիւն չունեն սուլթանի ոճրագործ կատաղութիւնը սանձահարելու, ուրեմն Հայաստանում գիւնապատութիւնը առնազը կարող է փոխարինւել ինքնաշարժ անքնիւթեան կռիւ ժամանակ, եւ իր կողմից նա տուաւ արկէն 5000 ֆ. ստ. (25,000 ֆրանկ), որ զէնք գնւել անօգնական քրիստոնեաներին բաժանելու համար Տաճկաստանի այն տեղերում, որոնք մատչելի են ծովի կողմից»:

Իսկ մե՞նք, հայերս... Բաւական է յեշելը որ ամենախոշոր գումարը, որ ամբողջ հայութեան մէջ մի հատիկ մարդ նւիրել է զէնքի գործին, այդ եղել է ընդամենը 25,000 ֆրանկի չափ մի ծախս... Բայց միաժամանակ քանի-քանի անձնւէր և փորձած գործիչներ, քանի-քանի գաւառներ կորան, հալւեցին միմիայն և միմիայն տարիների ընթացքում և ամենաբարեյաջող հանգամանքներում զէնք, զէնք ու զէնք սպասելու և վերջիվերջոյ չստանալու պատճառով...

Հազարաւոր նիւթապէս ապահով հայեր Հնդկաստան, Անգլիա, Ամերիկայ, Աֆրիկայ, ջահանամ են գնում ու գիտէ ինչ դժոխային միջոցներով՝ իրենց ունեցածը աւելացնելու համար, բայց և ոչ մէկը չգտնեց, որ այսպիսի մի անսովոր պատմական դժբախտութեան օրերում տեղիցը շարժւէր հասարակօգուտ ունէ ձեռնարկի համար: Եւ այս ոչ միայն հին սերունդի ներկայացուցիչների մէջ, այլև երիտասարդ դրամատիկների շրջանում, որոնք ունեն և ուսում, և զարգացում ու երբ սկսում են խօսել հասարակական գործունէութեան և ժողովրդի շահերին ծառայելու անհրաժեշտութեան վրայ, Գլադստոններ ու Լասոսներ պէտք է գերեզմաններից կանչւեն նրանց հետ մրցելու համար...

Քաղաքակիրթ աշխարհում էլ ժողովուրդ չմնաց, որ այս կամ այն չափով արձագանք չտար հայկական

Թշառ վիճակին: 1894 թւականից սկսած՝ անգլիացիք, ֆրանսիացիք, հոլանդացիք, յամբրիկացիք, զւիցերիացիք, նոյնիսկ գերմանացիք հայերին օգնութեան ձեռք մեկնեցին — երկրի մէջ հայ ժողովրդին դրամ, հաց և երկրագործական անասուններ բաժանելու կամ որբացած մանուկներին խնամելու և կրթութիւն տալու համար: Իսկ ի՞նչ արին իրենք հայերը: Մենք ունենք հազարաւոր հայեր, որոնցից իւրաքանչիւրը կարող էր նոյնքան մարդ կերակրել, նոյնքան որբանոցներ հիմնել, որքան այդ արւեց մի քանի ազգերից ժողոված դրամներով: Բայց դուրս եկաւ այդպիսի մէկը: Յայտնի է, որ միակ մի Ձանշեան, ծագումով միայն հայ, իսկ կրթութեամբ կէս վրացի, կէս ռուս, իր անձնական աշխատանքով աւելին արեց հայ մանուկների համար, քան մեր դուրս գասէր» հարուստները:

Ո՞վ չէ յիշում 1890-91 թւականների աղմուկը հայ ինտելիգենցիայի մէջ՝ Տաճկաստանում թէ Տաճկաստանից դուրս, կանանց թէ տղամարդկանց, երիտասարդների թէ հասակաւորների մէջ: Իսկ ո՞ր են դրանք 1891-92-ից սկսած: Արժան գնով ազատութիւն ձեռք բերելու յոյսերով հարբած՝ դրանք մօտեցան յեղափոխական գործին, կարծես վախենալով, որ էգուց-միւս օրը յանկարծ առանց իրենց անմեղ աղմուկին էլ Հայաստանը անկախ երկիր կը հռչակւի և յետոյ այդ հանգիստը օրը իրենք կը մնան առանց դափնիների: Բայց հէնց որ իրականութիւնը պարզեց, որ գործը անորոշ ժամանակով՝ բացի զօհողութիւններից, ոչ մի տեսակ դափնիներ չէ կարող խոստանալ ոչ ոքի, դրանք չքացան, ինչպէս քամու մի շնչով ստեղծւած ալիք: Դիցուք թէ հասարակ կամ ինտելիգենտ ամբողջ մէջ դա ընդհանրապէս հասկանալի մի երևոյթ է: Բայց ո՞ր մնացին նաև երբեմն յեղափոխական կետրօններում բազմելու համար գլուխ պատառող մեր պարոնները. ո՞ր են երբեմն գլխաւոր վարիչ անդամների մեծագոյն մասը. ո՞ր են գիշեր-ցերեկ դրանց շուրջը պտտող «համոզւած» յեղափոխականները. ո՞ր են յեղափոխական ամբողջ շարժման տօն տալու հաւանութիւնը տածող կամ իրենցից հարկւր անգամ աւելի զօհողութեան ընդունակ տարրերի գլխին «անձնանւիրութեան» և «նոր արշալոյսների» մասին ճառող կարմիր դրօշակակիրները: Հաւատարիմ իրենց «խելօք» հայրերին, նրանք իրենց համար այժմ նոյնպէս աւելի ձեռնտու և պայմանների և հասարակական դիրքի են ձգտում, ինչպէս ձեռնտու կերպով այն ժամանակ կարող էին յեղափոխութիւնով զբաղւել...

Նոյն 1890-91 թւականներին էր, որ ռուսահայ և տաճկահայ ինտելիգենցիան իրար հետ մրցում էին հայ ժողովրդի ազատագրութեանը նւիրելու փառաւոր խոստումներով: Իսկ յետոյ... Յետոյ տաճկահայ ինտելիգենտի իդէալը դառաւ ամբողջ երկրագունդը՝ մինչև դուրսների հայրենիք Ամերիկան, իսկ ռուսահայինը —

Բագու, ուր մարդիկ երբեք դէպի վերը, դէպի բարձրը, դէպի իրենցից հեռուն չեն նայում, այլ միշտ դէպի ներքեւ, դէպի երկրի տակը, դէպի դժոխային այն խաւարը, ուր 150-200 սաժէնի խորութեան անդունդներում թագնւում է նաւթաջրի կախարդիչ փայլը... Ընդհանուր դրութիւնը ծանր է. Տաճկաստանում կոտորում են, Ռուսաստանում հալածում: — և ահա հայ ինտելիգենտը, հաւատարիմ իր մօր կաթի հետ ծծած ստրկական բնազդներին, զգում է իրեն ինչպէս մի ժանտախտի օրերում. «ազատվիր, ով կարող է»... «փախիր» ով ոտքեր ունի, — և փախչում են՝ ոտի տակ տալով բոլոր այն տարրական պարտաւորութիւնները, որ ծանրանում են նրանց վրայ այսպիսի մի դժւար պատմական ընթացում:

Ամբողջ իննսնական թւականներում հայ ուսանողների թիւը, մանաւանդ Եւրոպայում, աճում է: Նահատակած յեղափոխականների ընկերները անգամ՝ դրանց անունով վրէժ չեն կոչում, այլ այդ նահատակների հետ իրենց ունեցած մտնկութիւնը պատանդան են շինում նրանց յիշատակը յարգողների առաջ, որպէսզի իրենց համար թօշակ գտնեն և Եւրոպա գան՝ այստեղ «գեղեցկի և բարեւոյ» իրենց ճաշակները նրբացնելու համար... Ուսման դէմ իհարկէ մենք ոչինչ չունենք: Բայց երբ մենք յիշում ենք, որ գիտութեան և արեւստին, որ հասարակական բարոյականութեան և գրականութեան ոչ մի ազգ այնքան հանձարներ չէ տւել, որքան հրէական ազգը, որը սակայն՝ ամենքից արհամարեւած՝ այսօր ծեծւում և արտաքսւում է աշխարհիս բոլոր անկիւններում. երբ ինկատի ենք առնում, թէ ինչ սիրով են մեր վաշխառու հայրերը, որոնք երէկ իրենց որդոց բազմազան աւելի ուղարկում, այսօր ամէն զոհողութիւններով ուսման տալիս դրանց. երբ մի փոքր էլ մօտիկից նայելով այդ ուսանողներին՝ տեսնում ենք, թէ որքան մեծ տոկոսը դրանցից զանազան կարգի բժիշկներից, թմբակներից և ընդ միայն դիպլոմների զրահներ են որսում իրենցից աւելի փափուկ ապրողների հետ յաջող մրցելու համար, — այն ժամանակ ահամայ սկսում ենք կասկածել՝ թէ արդեօք ներկայ ճգնաժամում այդ ամէնը համապատասխանում է մեր ժողովրդական պահանջներին...

Եւրոպայում այնպիսի յայտնի անձնաւորութիւններ, ինչպէս Ռիչիօտտի Գարիբալդի, Ամիլկար Զիպրիանի, Ֆրանսիս Դը Պրէսանսէ, Ժերոմ-Ռիշար, Ժօրժ Ֆալօն և Ուրբէն Գօյիէ, ինչպէս յայտնի է ընթերցողներին, «Դրօշակի» խմբագրութեան գիմումներին պատասխանեցին հրապարակաւ, հէնց «Դրօշակի» մէջ, արտայայտելով իրենց բոլոր համակրութիւնը դէպի մեր կռիւը և տալով իրենց անունները մեր ձեռքը՝ նրանց համար անյայտ անձնաւորութիւնների ձեռքը, — իսկ հարկւրաւոր հայ պատանիներ, որոնց բերանին դեռ չէ ցամաքել իրենց մօր կաթը, այնքան խելօք, այնքան շրջահայեաց, այնքան բարձր են այդ բոլոր անձնաւոր

ութիւններից, որ իրենց համար, նոյնիսկ նեղ շրջաններում, անպատաւեր են համարում յեղափոխութեան կամ ուէ յեղափոխական կազմակերպութեան համակիր անւանել և անել այն բոլորը, ինչ կարող են:

Իսկ ժողովուրդը: Կոմս Էօլէն անունով Ֆրանսիացի զինւորականը Հայաստանում գործած իր մի ճանապարհորդութիւնից յետոյ՝ 1892 թ. գրում էր.

«... Եւ երբոր հայկական գիւղերում, ուր թապաւուրում էր ամենասեւ թշուառութիւն, մենք հարցնում էինք հայերին՝ թէ ինչ են նրանք մտածում անել, նրանք՝ փոխանակ մոռնալով իրենց զէնքերի վրայ ցոյց տալու, փոխանակ մտածելու, որ կարելի է նրանք կարող կը լինէին մի օր բոլորը միասին ոտքի կանգնել քրդերի դէմ, որոնք նրանց տանջում են, եւ ձեռք բերել, եթէ հարկաւոր լինի՝ իրենց արեան գնով, իրենց ցաւերին մի հանգստութիւն, ինչպէս նաեւ մի որոշ ազատութիւն, — նրանք պատասխանում էին սարսափած եւ անհամարձակ, որ Աստուած իրենց թողել է, որ այլեւս ուէ յոյս չունեն, որ սակայն եթէ չարունակեն իրենց հետ այսպէս վարել, իրենք մի օր կը գաղթեն Ռուսաստան՝ այնտեղ աւելի լաւ կեանք և ուէ հանգստութիւն գտնելու համար»:

1897 թւին մի ուրիշ Ֆրանսիացի, պ. Կիմօն, գրում էր.

«Իրաւած է, իզարմանաւ արմատ չախարհի, որ վերջին կոտորածների ժամանակ՝ Պոլսում եւ Հայաստանում ուէ բանի անպէտք ջանքի թիւրքերը յարձակւում էին յաղթանդամ հայերի վրայ, որոնք եթէ ընդունակ լինէին իրենց ձեռքերը գործածելու, բռնցքի մի հարեւածով կարող էին լուերի նման ջախջախել իրենց վրայ եկող թշուառականներին: Այդ հայերը տեսնելով քիւրդերին, նրանց ոտքի տակն էին ընկնում, ձեռքերով ծածկում էին երեսները եւ թող էին տալիս զուխները կտրել կամ պատռել իրենց գանգերը»:

Իսկ Ուրբէն Գօյիէն՝ նորերս «Դրօշակի» մէջ գրած իր յօդւածում ասում է.

«Հայերը իրենցից 300 հազար հոգի կորցրին՝ պարանոցները դանակի տակ գնելով: Եւրոպան դրդեցնող ինչ ահաւոր պատերազմների կարող էին մղել հրացանները ձեռքերին, տասնապատիկ աւելի աժան գնով»...

Հարկւր հազարաւոր նահատակներ, այդքան էլ գաղութականներ և կրօնափոխ եղած հայեր, իհարկէ, եթէ դուրս բերէին թշնամու դէմ իրենց մի տամերորդ մասը անգամ, գուցէ քարով և կացիններով էլ կարողանային դաժաւոր պատերազմներ մղել՝ և, «դրդեցնելով ամբողջ Եւրոպան», աւելի քիչ զոհեր տային... Բայց դարեւոր ստրկութեան և հալածանքի յաւիտեանական գերի հայ ժողովուրդը, որին ամբողջ պատմութիւնը գերազանցապէս միայն մէջք ծուել էր սովորեցրել, ընդունակ էր «ինքնապաշտպանութեան» ուրիշ ձևերի քան ամենակրաւորականները...

Ահա ուրեմն, իմիջի այլ պայմաններ, որպիսի ներքին, վերին աստիճանի աննպաստ հանգամանքներում պիտի զարգանար հայկական ինդիքը և նրա արտայայտութիւն՝ հայ յեղափոխական շարժումը:

Երբեք իհարկէ կարող ենք, ինչքան թելադրում է մեզ մեր անձնապաշտ արիւնը, մեղադրել յեղափոխականներին, որ նրանք 10 տարւայ ընթացքում

չկարողացան հիմնայաւորակ անել տաճկական պետութիւնը և նրա աւերակների վրայ պարզել հայկական ազատութեան դրօշակը: Մենք կարող ենք, իհարկէ, նոյն մեր անձն ապաշտ արեանը հետեւելով անիծել երկրագնդիս բոլոր քաղաքակիրթ ազգերին էլ որ այն ժամանակ, երբ մենք անասնական թէ սրիկայական, վաշխառուական թէ ստրկական ժպիտներով վերաբերեցինք դէպի օրաւոր մեր առաջը դնող խնդիրները, նրանք,—այդ ժողովուրդները—գլխապատառ ոտի տակ չտւին իրենց բոլոր շահերը և հայկական կուրի դաշտը չգորակեցին... Այո, կարող ենք այդ էլ անել, ուրիշ շատ բաներ էլ անել բայց... բայց ե՞րբ պիտի քաղաքացիական համարձակութիւն ունենանք մի փոքր էլ մեզ վրայ անդրադառնալու և մեր բարոյական պակասութիւններին, մեր վատաբանող բնազդներին, մեր ազգային անտարբերին՝ «պատմական աշտ չարիքի» ևս՝ որոշ տեղ տալու մեր կրած տառապանքներում ու մեր ներկայ ծանր կացութեան մէջ...

ՀԱՅԴՈՒԿԻ ԵՐԳԵՐԻՑ

VI

Ճամբէս արունի հետք թողեր, կ'երթայ.—
Արունոտ ճամբէս մեր թշնամու դէմ,
Խէթ-օձը առջևս ընկեր ու կ'երթայ,
Ու ագռակները հետս ճամբորդ են:

Ձիս տխուր-տրտում կ'երթայ անգուժան.
Ա՛խ, նա լաւ գիտէ, որ յետ չեմ դառնայ.
Դարդս թաղելու, ցրւելու կ'երթամ
Դարդս-վրէժս, ու էլ յետ չեմ գայ...

Է՛հ, մնաք բարեւ, մեր դաշտ ու սարեր,
Ուր քօլ ու քարդ մեր արնով ներկաւ.
Ինձ էլ չես տեսնի, իմ խեղճ, ազիզ մէր,
Ու գերեզմանս էլ չես գտնի բնաւ:

Կարմիր օրերի անգին ընկերներ,
Իմ տեղս պահէք, երբ գաք իրար քով.
Ա՛խ, հարիս ասէք, որ ես էլ չկամ,
Որ լա՛յ, վրէժս լա՛յ անուշ աչքերով...

ՀԱՅ-ԳՈՒՍԱՆ

ՎԱՋԳԷՆԻ ՅԻՇԱՏԱԿԻՆ

«Դու, ով ցանկալի Վան, իմ հայրենիք,
Սիրոյդ կարօտով մաշեիմ ես ներք...»
ՎԱՋԳԷՆ

Հայդուկ, մի վախճար քրդի գնդակից,
Նա մահաբեր չէ քաջերիդ համար,
Քո «ջանփիտայի» ահեղ անունից
Քիւրդը սոսկում է, ինչպէս գիւհհար:

Առէք հրացան ու ելէք հանդէս.
Տանջանքի մէջ է ձեր մայր հայրենիք:
Միթէ՞ չէք լսում, նա կանչում է ձեզ.—
«Օգնութեան արիք, հարազատ որդիք»...

Ձեր հրացանը վրէժով լցրէք,
Ջարդէք թշնամուն, թշնամուն գազան.
Դուք ձեր մօր սիրուն զարկէք ու ընկէք,
Միայն թէ կեցցէ՛, կեցցէ՛ Հայաստան...

ՊԵՏՐՈՍ-ՍԱՄՈՒԷԼ

ՀԱՅԱՍՏԱՆԻ ՎԻՃԱԿԸ

Աշխարհի էն սրիկայ, էն աւազակ, էն անբարոյական
ու էն չարագործ և մարդկային զգացումէ զուրկ, բառին
ամենալայն մտքով փիս կառավարութեան մը դէմառ-
դէմ կը գտնուի հայ ազգը:

Եթէ կը հաւատայ հայ ազգը, որ օր մը չէ օր մը
արդար և աշխարհագրորդ վրէժխնդրութիւն մը, որ
բովանդակ մարդկութեան սրտէն օ՛խ մը խլէ, պիտի
փայլատակէ սուլթաններու արիւնով ուռած աչքերուն
դիմաց կամ ոճիրներով ճահիճոտած գանկերուն վրայ,
յեղափոխութիւնը պիտի կրնայ ընել միայն: Այդ օրը
թիւրք կառավարութիւնը հարէմներու ֆէրէճէներու
տակէն անվարտի դուրս պիտի պրծնի, սարսափէն կա-
պուտցած, հանդիսատես ըլլալու համար, արիւնի և
բոցեղէն ողբերգութեան դժոխային տեսարաններուն:
Թիւրքիոյ վերջին գաղափարները յեղափոխութեան ձեռքն
է: Աս գիտցած ըլլան բոլոր թուրահաւատները ու թե-
րահաւատները, ծոյլերը, անհոգները ու գահիճները:
Սուլթանը, Եզզէտի պէս իջողանները սուսերամերկ պիտի
հետապնդին՝ նոյնիսկ եթէ յօսնական պատուելի Պիյօմի
ծոցը ապաստանին:

Եթէ Թիւրքիան հայրենասիրական սկզբունք կը դա-
ւանի ոճրագործութիւնը, ի՞նչ տեսակ ներքին ձայն,
ըլլայ Սոկրատի դէմ, պիտի համարձակի բարոյական
օրէնքներ թելադրել, համբերութեան յորդորել մեզի,
որպէս զի մենք մեր մարդկային արժանապատուութեան
և հայրենասիրական կոչումին դրժենք:

Թրքական սիֆիլիսի ք պետութիւնը երբէք
մտքէն չանցնէ որ հայերու սրտին մէջ մեռած կըլլայ
հայրենասիրութեան ու վրէժի վազը՝ կամ անոնց դատը
կորսած. մեր անսահման ու ծովածաւալ ատելութեան
ու անսիրելութեան անհաշտ ոգին, ինչպէս նաև մեր
բոլոր իրաւունքները, իրեն յայտնի են, և վաղ թէ ուշ,
սա կամ ուրիշ ձևով մը՝ պիտի պայթի անոր գլխին...

Երևակայամտութեան կամ թուուցիկ կրքոտ մեծիւօ,
սիկութիւնով չէ որ կը գրենք, այլ մեզի կը ներշնչէ
մեր իրաւունքին, մեր գոյութեան և մարդկային տմար-
դութեան սարսուացնող գիտակցութիւնը, այլ մեզի կը
թելադրէ տարիներէ ի վեր այն ահելի կանոնաւոր և կան-
խաժառանգ գազանային ոճիրներու, ու հալածանքներու
անվերջ, անվերջ սարսափներու թափօրը, մարտիրոսա-
ցած երկրի մը կուռ թախիծը՝ զոր ամէն օր արտաս-
ւազին աչքերով կը դիտենք ու կը լափենք:

Հայաստանի բոլոր նահանգներուն մէջ թիւրքերը՝
թիւրքերուն հետ մէկ եղած՝ օր չանցնիր սպանութիւն.

ներ, աւերուածներ ու առեւանգութիւններ չընեն: Իշխանութիւնները ոչ մէկ միջոց ձեռք չեն առներ այդ կոտորածներուն ու սարսափներուն առջեւ առնելու համար: Եղեռնագործութեան վայրագ անիշխանութիւնը կը թաթափուի հոն:

Սեպտեմբերի մէջ քիւրդերը Արաբկիրի էնէզիկ գիւղին վրայ կը յարձակին, առանց տեղին թիւրքերուն մէկ մագին դպելու՝ կը թալանեն հայոց տունները, կը սպաննեն քանի մը հոգի, և կառավարութիւնը ձայն չի հաներ:

Պիթիսի Պօրու գիւղի մէջ քիւրդերը կը յարձակին վանքի մը վրայ, վանահայրը կը վերաւորեն ու տեղին գլխաւոր բնակիչներն ալ կը սպաննեն:

Տիգրանակերտի նահանգին մէջ միւսիւլմանները կը յարձակին ութը հայ գիւղերու վրայ, կաւերեն ու կը կոտորեն, զինուորները երբէք չեն միջամտեր:

Պիթիսի նահանգի հայերու վիճակը պարզապէս սըրտաճմիկ է: Ամեն տեսակ անլուր հալածանքներէ զատ, հայ հողագործները փոխառութիւն չեն կրնար ընել երկրագործական պանքայէն, որուն հիմնելուն մեծապէս իրենք են նպաստած: Ամենաչնչին փոխառութիւն մը ընելու համար, ստիպւած են իրենց ունեցած չունեցածը գրաւի տակ դնել:

Կառավարութիւնը ամեն արու հայ ճամբաներու ձրի շինութեան կ'աշխատցնէ, ատով ալ չի բաւականանար. կը ստիպէ որ հայերը ունէ գիւղի մէջ կառավարական շէնքեր շինեն ձրիաբար, ոչ միայն ազատ աշխատանքին զոհելով, այլև շէնքին ատաղձը և ծախքը պէտք է որ հայերը հայթայթեն:

«Իմաստուն» ու «հեռատես» կառավարութիւնը յաջողած է ցարդ քանի խօնախներ, մզկիթներ, զօրանոցներ, հեռագրատուն շինել տալ հայերուն այս տարւայ մէջ:

Այդ տարապահակ և տաժանակիր աշխատանքը կը յիշեցնէ մեզի Փարաոններու օրով իսրայէլացիներուն տառապանքները, որոնք գաւազանի հարւածներուն տակ, Նեղոսի Տէլդային մէջ, Եգիպտոսի ամրոցները կը կանգնէին, աղիւս կը շինէին և... ազատութեան Մեսիայի մը ախը կը քաշէին:

Հայ ժողովուրդը իր դահիճներուն համար զօրանոցներ կը բարձրացնէ ձախ ձեռքով... աջով քարքանդ ընելու համար գուցէ:

Մուշի քանի մը հայ գիւղերու մէջ բռնի թիւրքեր և քիւրդեր հաստատուած են, որոնք գիւղացիները իբրև ստրուկ կը ծառայեցնեն իրենց առօրեայ աշխատանքներու համար, և իրենք կոնակնուն վրայ քէյֆ կ'ընեն: Շրջուն սիւլարիները, իբր թէ երկրի ապահովութեան համար, գեղէ գեղ ման կուգան, կուտեն կը խմեն իրենց ձիերուն հետ ու... առանձին տուրք ալ կը հաւաքեն: Շատեր յուսահատ և սարսափահար միւսիւլմանութիւն կընդունին, մանաւանդ հայ աղջիկներով լեցած են հարէմները:

Վերջերս եկած տեղեկագիրները կը պնդեն որ Սպաղանքի կոտորածին ճիշդ թիւը 220 հոգի է: Իսկ Սասուն իբր քննիչ զրկւած Էնվէր փաշայի տեղեկագրէն ձանձուն չկայ, թէ և շատոնց ետ դարձած է:

Որպէսզի թիւրքերը ապացուցանեն բովանդակ մարդկութեան առջև թէ իրենք ամենասրիկայ խեղկատակներ և սինլքորներ են, Պիթիսի զինուորական հրամանատար, Սպաղանքի կոտորածի հետքեր, աշխարհահռչակ Ալի

փաշան, որ նոյնիսկ պաշտօնանկ եղած էր, Խարբերդի ու Տէրսիմի գաւառներուն մէջ բարենորոգումներու վերատեսուչ կարգած են:

Թիւրք կառավարութեան Տէրսիմի վրայ ուշադրութիւն դարձնելը նշանակութեան զուրկ չէ: Եւ պապական կիւրք Ալի փաշան կերակրուող վարպետօրէն ուղբին տեղ ընել այդ անգուսպ և կառավարութեան թշնամի քիւրդերուն մէջ և սիրաշահօրէն ծուղակը ձգել զանոնք:

Երևակայել որ Տաճկաստանի մէջ մինակ Տէրսիմի է մնացեր բարենորոգելու համար, ան ալ աւագակապետ և անկիրթ Ալի փաշայի մը ձեռքով մարդ անբարոյականութեան մրուրը քամած կամ խեղած ըլլալու է:

Եւ գիտենք, ժամանակի իմաստութիւնը և փորձառութիւնը կը ցուցնէ մեզի՝ թէ հոն, ուր Հազրէթի սուլթան Ապգիւլ Համիդ-Խան-Ղազի-Շահինշահը բարենորոգումներ գործադրելու զգած է, «սխալմամբ» կոտորածներ սարքած են: Ուրեմն Թիւրքիան միշտ Թիւրքիա է՝ է տէ պ ս ի զ և ոճրագործ:

Այս ամէնը արեւէն աւելի պայծառօրէն կը հաստատեն — սուլթանի մը գարշահոտ ուղեղը ունենալու չէ անպատճառ ըմբռնելու համար հետեւանքը — որ Հայաստանի վիճակը երթալով աւելի կը վատթարանայ, աւելի արագօրէն կը կատարւի ջնջումի է վ օ լ իւ ս ի օ ն ը քան երբէք և թէ մութ նոր տաւամ մը կը պատրաստուի հոն դժբախտ հայ ժողովուրդի գլխին:

Հայրենիքի ծայրագոյն աղէտին դիմաց, սօթանք մեր բազուկները, նշանաբան ընտրելով Շատոպրիանի գեղեցիկ և ճշմարիտ խօսքը

«Յեղափոխութիւնը կիսատ ընողն երբ իրենց գերեզմանը կը փորեն»:

Թ Ղ Թ Ա Կ Յ Ո Ւ Թ Ի Ի Ն Ն Ե Ր

Կ Ո Վ Կ Ա Ս Ե Ա Ն Խ Ա Բ Ր Ի Կ Ն Ե Ր

ՏԱՄՆԵՐՆԵՐՈՐԴ ՆԱՄԱԿ

Պետերբուրգ, 22 սեպտեմբեր

Քառնեմէկ տարի օրինական, անվտանգ, ցանկալի, իսկ 21 տարուց յետոյ անցանկալի, վտանգաւոր, ապօրէն: Հայոց հրատարակչական ընկերութիւնն է այդ, որի փակման գոյժը դուր արդէն ստացաք:

Պաշտօնական կարգադրութեան մէջ, ինչպէս միշտ, և ոչ մի բացատրութիւն, ոչ մի պատճառաբանող բառ որ ուրիշ խօսքով կը նշանակի՝ վտանգը մեծ է, պետական, անյարմար հաղորդելու իր գիտութիւն հասարակութեան:

Ահա նրա բովանդակութիւնը.

«Լսելով ներքին գործերի մինիստրի հաղորդագրութիւնը մայիսի 30-ից, 1900 թիւ, № 1270, «Հայերէն գրքերի հրատարակութեան Թիֆլիսի ընկերութեան» փակելու մասին, մինիստրների կոմիտէն կարծիք յայտնեց, — այս առաջարկութիւնը հաստատել:

«Թագաւոր կայսրը, 1900 թ. յունիսի 16-ին, բարձրագոյն բարեհաճութիւն տւեց այդ որոշման»:

Ուրեմն՝

Իշխան Գալիցին առաջարկեց փակել՝ և ներքին գործերի մինիստրը ընդունեց: Ներքին գործերի մինիստրը

այդ առաջարկը ներկայացրեց մինիստրների կոմիտեին՝ և կոմիտեն նրան հաստատեց: Կոմիտեի որոշումը տարեց կայսրին՝ և սա մտքով անգամ չանցկացրեց հարցնելու, թե ինչու են փակում, այլ տեղ իր բարձրագույն հաւանութիւնը: Ուրիշ խօսքով՝ մի ամբողջ կառավարութիւն, սկսած կովկասեան կառավարչապետից մինչև Ռուսաստանի միահեծանը, միացան և միացած ուժերով փակեցին մի փոքրիկ ընկերութիւն, որ հիմնել է օրէնքով, գործել է օրէնքով և այժմ էլ պիտի ձեռնարկի իր փակման՝ նոյնպէս օրէնքով...

Ինչ է, կը հարցնէք, այդ հիմնարկութեան յանցանքը, որի համար նա իր 21-ամեայ պատկառելի հասակում ենթարկեց այդ օրինակ մի ծանր, անողորմ, անգարմանելի պատժի: Առաջինը այն, որ նա գրեթէ տպագրում էր, երկրորդը այն, որ հայերէն գրեթէ տպագրում էր: Հայերէն, ո՛հ, որքան անախորժ, որքան սոսկալի է հնչում այդ բառը ռուս չինովնիկութեան և նոյնիսկ մինիստրական ու կայսերական ականջներին... Որքան դառնութիւն, որքան վտանգ կայ այդ «յանիժ-լած» բառի մէջ... Եւ երեւի երբ մինիստրների կոմիտեում վճռում էր փակել ընկերութիւնը, սլավոնի ժամանակակից ղեկավարները ուսերը թափ տալով՝ հարցնում էին. «Եւ ի՞նչպէս է եղել, որ 21 տարուց իվեր դա գոյութիւն ունի»...

Այո, 21 տարուց իվեր:

1879 թւին էր, որ Թիֆլիսի գրական մի շրջանում միտք ծագեց հիմնել այդ ընկերութիւնը, որի նպատակը պիտի լինէր — տպագրել հայերէն գրքեր: Մշակեց նրա կանոնադրութիւնը և 1880 թւի յունւարի 21-ին կովկասեան նախկին փոխարքայ մեծ իշխան Միխայիլ Նիկոլայիվիչը հաստատեց նրան: Կանոնադրութեան առաջին յօդաւորի մէջ ասւած է.

«Հայերէն գրքերի հրատարակութեան Թիֆլիսի ընկերութիւնը՝ հիմնւած է Թիֆլիսում և նպատակ ունի հրատարակել հայերէն լեզուով թէ ինքնուրոյն և թէ թարգմանական գրքեր: Ընկերութեան հրատարակութիւնները ենթարկում են տպագրութեան ընդհանուր կանոնադրութեան և թիւն են ին»:

Աւերջին պարբերութիւնը արդէն բաւական էր, որ կովկասեան նախկին փոխարքան աչքերը խփած հաստատէր այդ կանոնադրութիւնը, որովհետեւ այն բոլորը, ինչ անցնում է ռուս ցենզորի ձեռքով, երբեք և ոչ մի տեղ չի կարող լինել վտանգաւոր և երկիւղալի: Ցենզորան այնպիսի քուրան երից չէ... Եւ հէնց այդ պարզ պատճառով է, որ 21 տարւայ ընթացքում ընկերութիւնը չի տպագրել կամ չի կարողացել տպագրել և ոչ մի գրքով, նոյնիսկ ոչ մի տող, որի վրայ կարողանային մատնանիլ անել իշխան Գալիցին կամ ներքին գործերի մինիստրը, իբրեւ անցանկալի, վնասակար:

Դիմենք փաստերին:

21 տարւայ ընթացքում ընկերութիւնը տպագրել է 187 հատ գիրք (մի քանիսը նոյնիսկ վերատպումներ): Այդ գրքերը բաժանւում են՝

Թարգմանական	133
Կամպիլիացիա	33
Ինքնուրոյն	21

Ասել է թէ՛ իբրեւ ինքնուրոյն գրւածք-

ներ, որոնք կառավարութեան համար պիտի ծառայեն ինչպէս աւելի բնորոշ նիւթ, ընկերութիւնը տւել է ոչ աւելի քան տարեկան մի գիրք: Եւ որպէսզի աւելի պարզ գաղափար կազմէք, թէ տարեկան 1 գիրքը չէր սպառնում քանդել Ռուսաստանը, բաւական է աւելացնել, որ այդ ինքնուրոյն համարուող գրւածքները, մեծագոյն մասամբ, ոչ այլ ինչ են, եթէ ոչ տեղագրական կամ ազգագրական նիւթեր և գլխաւորապէս հայոց հին մատենագրութիւնից, գրաբար լեզուով, վերատպումներ, որոնք այնքան անմեղ են, որ երեւի ցենզորները թողարկում էին նոյնիսկ առանց կարգալու:

Թարգմանական գրւածքները, ինչպէս և կամպիլիացիաները, աւելի քան «անվտանգ» բաներ են — վեպիկներ, կենսագրութիւններ, գիտական զրոյցներ կամ բժշկական ու առողջապահական աշխատութիւններ, ինչպէս և դասագրքեր: Բացի Շէքսպիրի մի քանի գրքերից, ինչպէս և մի-մի հատոր Դոգէից ու Մօպասանից, որոնց լաւագոյն էջերը, ի հարկէ, գրաքննիչը արգելել է, միւս բոլոր թարգմանութիւնները, քիչ բացառութեամբ, առնւած են ռուսաց գրողներից և ռուսաց գրականութիւնից: Եւ եթէ նոյնիսկ եւրօպական գրողներից է, այդ էլ կատարւած է ռուսերէն թարգմանութիւնների միջոցով:

Ոչ մի փաստ, ոչ մի առիթ չկայ հեռւոր կերպով անգամ պնդելու, որ ընկերութիւնը հետեւել է կամ ունեցել է ուէ քաղաքական կամ ազգայնական տենդենցիա. — միակ տենդենցիան եղել է հայերէն գրքեր տպագրելը, գրքեր, որոնք յաճախ վերաբերում են ընթերցանութեան ամենաչոր ճիւղերին: Եւ եթէ կայ մի երեւոյթ, որ պարզ նկատւում է ընկերութեան բոլոր հրատարակութիւնների ընթացքում, այն է, որ այդ հիմնարկութեան ղեկավարները ուղեցել են, որքան կարելի է, ծանօթացնել հայոց հասարակութիւնը ռուսաց գրողների և ռուս գրականութեան հետ և այդ շատ անգամ՝ ի վնաս գրքերի արժանաւորութեան: Գուցէ այս է յանցանքը...

Անվտանգ լինելով բովանդակութեան և տենդենցիայի կողմից, հրատարակչական ընկերութիւնը վտանգաւոր չէր կարող համարւել և տաժ գրքերի քանակութեան կողմից, եթէ մինչև անգամ նայելու լինենք այս գործունէութեանը այն «տարօրինակ» տեսակետից, որով ռուսաց կառավարութիւնը առհասարակ ցանկալի չէ համարում ընթերցանութիւնը: Փաստ. 21 տարւայ ընթացքում ընկերութիւնը տպագրել է 187 գիրք, ուրեմն միջին թւով տարեկան $8\frac{1}{2}$ գիրք:

Տարեկան $8\frac{1}{2}$ գիրք. — գրանից էլ ի՞նչ կարող է լինել աւելի համեստ, աւելի անվտանգ: Բայց գուցէ կարծողներ լինեն, թէ այդ գրքերը տպագրւել են եւրօպական գրականութեան մէջ սովորական դարձած քանակով, ամէն մէկը 20, 50 կամ 100 հազար, բազմաթիւ հրատարակութիւններով: Միամիտ ենթադրութիւն: Երկրորդ կամ երրորդ տպագրութեան արժանացել են միայն 4-5 հատ, իսկ գրքերը տպագրւել են միջին թւով 1,200 օրինակ: Կան գրքեր, որոնք լոյս են տեսել միմիայն 500 օրինակ: 3,000-3,500 օրինակ տպագրւել են ընդամենը 3 գիրք և 5,000 օրինակ «Խօլերա» գրքով, որի մեծ մասը վճռւած է եղել տարածել ձրիաբար, որովհետեւ այն միջոցին այդ հիւանդութիւնը սպառնում

էր կոտորածներ անել կովկասեան գաւառներում. . . Վերջապէս աւելի չէր էլ կարելի տպագրել, քանի որ ընկերութեան բիւզժէն հասնում էր միջին թւով միայն 4,000 ռուբլու, այսինքն այնքան, որքան ամէն տարի գողանում է իւրաքանչիւր «նորին գերազանցութիւն» . . .

Ասել է թէ՛ քաւակի կողմից էլ այդ անվտանգ գրքերը չեն կազմում հարկւր հազարներ, միլիոններ, ինչպէս այդ պէտք էր ենթադրել եւրոպական մտքով, այլ մի համեստ չափ, որով անկարելի էր ողողել հայաբնակ վայրերը, ինչպէս երևի հաւատացրել են իրենց տեղեկագրերի մէջ պետութեան «պահպանները» . . .

Ասկիծ պատճառով միայն այն չէ, որ փակում են մի երկու համեստ, բայց անպայման պիտանի հիմնարկութիւն, այլ այն, որ այս նոր բռնութեամբ ևս կառավարութիւնը նոր վէրք բաց արաւ հայոց հասարակութեան առանց այն էլ վերաւոր սրտում: Ասկածներ մի անվերջ շարան է դա, որ չի վերջանում և դեռ նորանոր առիթներ է որոնում:

Մինիստրութիւնը, իհարկէ, չի հրատարակի այն պատճառաբանութիւնը, որի վրայ հիմնեց այս 'այրենի կարգադրութիւնը: Այդպիսի մի բան հրատարակել — կը նշանակէ խայտառակել, ծաղրի առարկայ լինել: Եւ եթէ մի օր այդ գաղտնի դոկումէնտն էլ ինչպէս շատ ուրիշները, արխիւների խորքերից դուրս գալով՝ կը դառնայ ընդհանրութեան սեփականութիւն, այն ժամանակ կը տեսնեն ամէնքը, նոյնիսկ ամենաներողամիտները, թէ ինչ հրէշաւոր և անամօթ ստի է զոհ գնացել մի հիմնարկութիւն, որ սկզբից մինչև վերջ եղել է օրինակաւ, հեռու ուէ տենդենցիաներից, և գործել է ցենզուրական ճանկերի տակ, տարին մի քանի անգամ մանրամասն հաշիւներ ներկայացնելով նաև նահանգական իշխանութեան:

Եւ վերջապէս խօսմ չի կարելի տենդենցիա տեսնել այն բանի մէջ, որ հայը հայերէն գրքեր է կարդում, կամ այն բանի մէջ, որ մի ընկերութիւն ժողովրդին հասկանալի լեզուով և նրան մատչելի տառերով սովորեցնում է, թէ ինչ պիտի անել, երբ խօսեալ է սկսած, կամ ինչ միջոցներ պիտի գործ դնել, երբ խաղողի վազերը վարակւած են ֆիլոքսերայով, կամ որոնք են այն ձևերը, որով պիտի խնամել շերամի սերմը կամ բամբակի բոյսը. . . Ինքը կառավարութիւնը փակեց հարկւրաւոր դպրոցներ, չթողեց ժողովրդի մէջ լոյսի և ոչ մի կայծ. ինքը կառավարութիւնը ոչինչ չի տալիս միլիոնաւոր ազգաբնակչութեան, որը փթում է տգիտութեան մէջ, զոհ գնում տարափոխիկ հիւանդութիւնների. ինքը կառավարութիւնը, ասում ենք, իր գանձարանից մի ռուբլի չի ծախսում ժողովրդին մի գիրք, մի բրօշուր, մի տպած թերթ տալու համար, և երբ այս նոյն հոգսը իր վրայ է վերցնում մի ընկերութիւն՝ կօպէկ-կօպէկ հաւաքած փողերով, անդամավճարներից, երեկոյթներից և նւերներից կազմած գումարով — կառավարութիւնը արգելում է, կնիք դնում նրա գոնների վրայ և յայտարարում փակած, իբրև վնասակար, վտանգաւոր. . .

Ի՞նչ անուն տալ այդպիսի մի կառավարութեան:

Սրանից տարիներ առաջ՝ Պետերբուրգից սենատօրական քննութիւն ուղարկեց նոր նախաձեռն մի քանի երկիրներ: Եւ փաստերը քննելուց յետոյ, երբ «գերազանցութիւններից» մէկը պատրաստում էր իր զեկուցումը՝ թէ «ամէն ինչ լաւ է», աւելացնելով, որ

«ռուսաց յաղթական զօրքի շնորհիւ ցիվիլիզացիան քայլաքայլ առաջ է գնում», միւսը՝ համբերութիւնից դուրս եկած, խղճահարած՝ բացականչեց. «Մենք տարածում ենք ոչ թէ ցիվիլիզացիա, այլ սիֆիլիզացիա» («մի րասպրօստրանիա» նէ ցիվիլիզացիա, ա սիֆիլիզացիա»): Դառն ճշմարտութիւն: Ռուսաց զինուորականութիւնը և կաշառակերութեամբ յղիացած չինովնիկութիւնը ամէն տեղ, ուր նոր է ոտք գնում ճշմարիտ, ամենից առաջ այդ ախտն է տարածում — սիֆիլիս: Ինքը կառավարութիւնը, զրգւած «պետական տեսակետներից», գանձարանից հազարն փող է ծախսում նոր երկիրները հազարն թւով կանայք ուղարկելու, որպէսզի նրանք իրենց տաք գրկի մէջ հալեցնեն այն սառնութիւնը, որ նախաձեռն երկրների ազգաբնակչութիւնը ցոյց է տալիս տիրող բռնապետութեան. . . Այդ պատճառով է գուցէ, որ շատ անգամ ռուս մարդը՝ վերջը սրտին նկատում է. «ռուսականութիւն տարածողը ռուս զինուորը չէ, այլ ռուս կինը». . . Եւ երբ հասարակաց տների, գինեվաճառանոցների և չինովնիկական անբարոյականութեան միջոցով սիֆիլիսի նման մի ախտ, շնորհիւ «բարեխնամ կառավարութեան», աւերմունքներ է գործում նահապետական բարբերով ծածկւած անկիւններում, յանկարծ դուրս են գալիս ընկերութիւններ, խմբեր, որոնք բրօշուրների միջոցով փորձում են կուել այդ աւերիչ ախտի դէմ, փորձում են հասկացնել ժողովրդին՝ թէ ինչ վտանգ է սպառնում նրան. . . Եւ «բարեխնամ կառավարութիւնը» փակում է այդ տեսակ հիմնարկութիւնները իբրև վնասակար. . .

Տեղը չէ՞ միթէ կրկնել

«...Մենք տարածում ենք ոչ թէ ցիվիլիզացիա, այլ սիֆիլիզացիա» . . .

Այդպէս ուրեմն՝ հայ, ռուս, լեհացի, ֆինն ինտելիգէնտ մարդուն Ռուսաստանում ուրիշ ոչինչ չի մնում, բայց եթէ մի կողմ դնել գրիչը, գիրքը, լրագիրը, դպրոցը ու բաց անել հասարակաց տուն, գինեվաճառանոց, լրտեսական սենեակ կամ գնալ մտնել կազարմաներ, որպէսզի դուր գայ ժամանակակից կառավարութեան, որպէսզի արգելքի, կասկածի, պրսորի տեղ՝ արժանանայ շքանշանի, պատուի և պաշտօնի:

. . . Եւ երեւի այս տողերի լոյս տեսնելու օրերին օրինակաւ կառավարութիւնը կառաջարկէ Հրատարակչական ընկերութեանը՝ «համաձայն կանոնադրութեան» — ո՛հ, որպիսի օրինապահութիւն — ընդհանուր ժողով հրաւիրել և վճռել՝ թէ ում պիտի հասնի ընկերութեան գոյքը: Գիտէ՞ք, մեր կառավարութիւնը այնքան օրինապահ է և կուշտ, որ չի խլի ընկերութեան կնիքը, հին կահարասին և կամ պահեստում թափւած գրքերը, այլ անպատճառ կը պահանջի, որ ընկերութիւնը վարւի համաձայն կանոնադրութեան՝ հաստատւած 1880 թւի յունւարի 31-ին կովկասեան փոխարքայի ձեռքով որոտել ասւած է.

«§ 38. Ընկերութեան գործունէութեան ընդհատելու միջոցին՝ այդ գէպքում գումարւած արտաքոյ կարգի ժողովը որոշում է՝ Ընկերութեան բոլոր գոյքը յանձնել Հայոց հոգեւոր դպրոցներից մէկին»:


Որպիսի դա՛ռն կատակ. . .

«Գոյքը յանձնել Հայոց հոգեւոր դպրոցներից մէկին», երբ այդ դպրոցների կեանքն էլ այս րոպէիս մազից է կախւած. . .

Է. ԱՅՆՈՒՆԻ

Կ Ե Ն Ս Ա Գ Ր Ա Կ Ա Ն

Վ Ի Ր Ա Ր Մ Ե Լ Ք Ո Ն Ե Ա Ն Դ Ա Լ Ե Ա Ն Ց



1900 թիւ մայիս 3-ին Պարսկաստանում մեռաւ 34 տարեկան հասակում Վիրաթ Մեղքոնեան Դալեանցը, որը իր կեանքի վերջին 10 տարիները նւիրել էր հայկական յեղափոխութեան: Դալեանցը, որի պատկերը տպագրում ենք, ծնւել է 1866 թ. Գանձակի Փիփ գիւղում:

90-ական թւականին Վովկասում արդէն սկսւել էր մի թարմ ու կենսատու հոսանք, և երիտասարդ Վիրաթը ոտով գլխով նւիրւեց այդ հոսանքին: Իր բնաւորութեան մաքրութեամբ և վեհութեամբ նա շուտով գրաւեց բազմաթիւ ընկերների սէրը և նրա բնական գրաւեց բոլորի համար մի խորհրդարան: Վիրաթի ոգևորութիւնը սակայն իր գազաթնակէտին հասաւ, երբ 1890 թւականին՝ Կարինի դէպքից անմիջապէս յետոյ՝ Վովկաս ժամանեց Տարոնեցի Յակովբ սարկաւազը և Վուկունեանի հետ միացած՝ ձեռնարկեց մի մեծ գործ: Վիրաթը անմիջապէս միացաւ սարկաւազի խմբի հետ:

Ինչպէս յայտնի է, խմբի նպատակն էր զէնք ու մարդիկ տեղափոխել երկիր և հետզհետէ կազմակերպել ժողովուրդը: Բայց սահմանի վրայ հանգամանքները փոխւեցին. ռուս կառավարութիւնը խիստ միջոցների դիմեց, և խումբը սահմանագիծի զինւորների հետ մի ընդհարումից յետոյ՝ մասամբ ձերբակալւեց և մասամբ ցրուեցան եղաւ: Վաղղւանի Խառ գիւղի մօտ, 1890 թ. սեպտեմբեր 26-ին, ձերբակալւում է և Վիրաթը՝ Վուկունեանի ու խմբի հետ:

Վիրաթը իր ընկերների հետ շղթայաւած էր Կարսի բանտում, մինչև 1892 թ. մայիս 7-ը, երբ սառնութեամբ լսեց այն դատաւճիռը, որով դատապարտւում էր 26 ընկերների հետ 15 տարւայ տաժանակիր աշխատանքների

Սիրիի հանքերում, զրկւելով բոլոր իրաւունքներից: Թէ ինչ կը նշանակի այդպիսի մի դատաւճիռ լսել դա միայն կը հասկանայ նա, ով մի անգամ դժբախտութիւն է ունեցել լսելու: 1893 թւի սեպտեմբերի 22-ին Վիրաթը իր ընկերների հետ միասին փոխադրւում է Թիֆլիս, ուր բոլոր դատապարտւածները արգարութեան բարձրագոյն ատեանին բողոքել էին իրենց դէմ տրւած խիստ վճռի դէմ: Բայց ուր էք փնտռում արգարութիւն բռնակալների երկրում: Ինչպէս Թիֆլիսի դատաստանական պալատը, նոյնպէս և Պետերբուրգի սէնատը մէկը միւսի յետեւից հաստատեցին Երեանի նահանգական դատարանի վճիռը: Կառավարութիւնը և նրա գործակալները՝ լցւած մի առանձին ատելութեամբ դէպի հայերը՝ ծածկել էին ամբողջ գործում «հայկական շարժում», «հայ յեղափոխութիւն» և ինչ, ու դատապարտեցին բոլորին իբրեւ քրէական յանցաւորների, իբրեւ մարդասպանների, աւազակների:

1895 թ. աշնանը Վիրաթը 5 ընկերների հետ շղթայակապ հասնում է Ջաբայկալ, 96-ին՝ Գորնի Զիլինոյ, և այստեղ սկսւում է նրա տաժանակիր աշխատանքը, պղնձի և արծաթի հանքերում:

1896-98 թւականներում հայրենիքում կատարող դժբախտ անցքերի մասին հատ ու կտոր տեղեկութիւններ էին հասնում Վիրաթին: Դատապարտեալների այդ մութ, մռայլ վայրերում՝ որտեղից որտեղ՝ Վիրաթը կարողանում էր թղթակցութիւն պահել իր ազատ ընկերների հետ: Ստացած լուրերը սեղմում, պատառոտում էին նրա սիրտը, և այլևս անկարող լինելով դիմադրել իր ներքին պահանջներին, բորբոքւած վրէժխնդրական ոգով, նա կոչում է ընկերներին՝ «մահ կամ ազատութիւն» — փախչել, թռչել, սլանալ դէպի մայր հայրենիք կամ մեռնել փշուռած շղթաներով: Եւ երբ իր վիճակից հինգ ընկերներից ոչ մէկը չի համաձայնւում Վիրաթի այդ յանդուգն առաջարկութեանը, նա առանց վհատելու վճռում է իրագործել միայնակ՝ ու մի գեղեցիկ օր, փշտելով շղթաները և դուրս թռչելով պարսպից, մնաս բարով է ասում Գորնի Զիլինոյին...

1899 թ. սեպտեմբերին էր, երբ յաջողեց նրան ոտ դնել Վովկաս: Անյապ տենչանքով այստեղ փնտռում է Վիրաթը իր նախկին ծանօթներին և այնքան տանջանքներից յետոյ՝ ազատութեամբ թարմացած՝ սկսում է նոր գործ պահանջել: Իր բազմաթիւ բարեկամների թախանձանքը — Վովկասի մի ունէ անկիւնում առայժմ հաստատւել մի փոքր հանգստանալու համար — Վիրաթը մերժում է անպայման և երբ մի ամիս յետոյ իր եղած քաղաքում նա հանդիպում է կղզու վրայ աքսորւած իր ընկերներից մէկին, որը նոյնպէս թողնելով Սախալինը մի երկար ու արկածալի ծովային ճանապարհորդութիւնից յետոյ հասել էր Վովկաս, նա վճռում է իր անեղիքը:

1899 թւի հոկտեմբեր 6-ին նրանք անցնում են ռուս-պարսկական սահմանը և մտնում Պարսկաստան: Ահա նոր շրջան, նոր գործիչներ, նոր ասպարէզ գործունէութեան: Վիրաթի ոգևորութիւնը չափ չունի. նա մոռացել է այն բոլոր սարսափները ու արկածները, որոնց միջով անց էր կացել 9 տարի շարունակ: Ատրպատականի կետրօնական կոմիտէն յանձնում է նրան երկու տեսակի պատասխանատու գործեր, որոնց նա նւիրւում

է ամբողջովին՝ օրէցօր աւելի և աւելի գրաւելով կետ-
րօնական կօմիտէի և ընկերների անպայման վստահու-
թիւնը: Սակայն վեց ամիս անգամ չէր լրացել այն օրից,
երբ նա՝ ստանձնեց այդ գործերը, և ահա ճակատագրի
վերջին անգութ հարւածը յաւիտեան կտրեց նրա
տանջալից կեանքը: Ապրիլի 22-ին, ձիով ճանապարհոր-
դելիս, յանկարծ չար դիպածով վիրաբի ձին ընկնում է:
Գետին փռած ձիու հետ ինքն էլ ընկնելով՝ վիրաբը
վնասում է իր աղիքները և 12 օր ծանր հիւանդու-
թիւն քաշելուց յետոյ մեռնում է մայիս 3-ին, շրջա-
պատւած ընկերների ու իրեն պաշտողների մի փոքրիկ
խմբով:

Չնայելով որ վիրաբի թաղումը տեղի ունեցաւ
հետեւեալ օրը, մայիսի 4-ին, չնայած նաև այն հան-
գամանքին, որ կազմակերպութիւնը որոշել էր ամենա-
պարզ ու համեստ կերպով կատարել թաղման ծէսը,
բայց և այնպէս այդ հանդէսը անցաւ մի անսովոր փայլով:
Դրանում արտայայտեց այն ընդհանուր կսկիծը, որ
պատճառել էր վիրաբի մահը բոլոր նրան ծանօթ
շրջաններում:

Մեռաւ գաղափարի անվեհեր մի զինուոր ևս:

ՔԱՂԱՔԱԿԱՆ ՏԵՍՈՒԹԻՒՆ

ՏԱՍՆԻՆՆԵՐՈՐԴ ԴԱՐ

(ՔԱՂԱՔԱԿԱՆ-ՍՕՑԻԱԼԱԿԱՆ ՏԵՍՈՒԹԻՒՆ)

V

Արեւելեան հարցը՝ կրճուտ, անլուծելի՝ շարունակում
էր տանջել դիւանագէտներին: Թիւրքիան շարունակ
թատերաբեմ էր օտար ինտրիգների ու մրցակցութեան,
ուր ռուսական ակորդակները աւելի և աւելի էին բոր-
բոքում: Պօլիսը իր բացառիկ դիրքով ու նշանակու-
թեամբ շատ էր հրապուրում Ռուսիոյ վեհապետներին,
և Նիկոլայ կայսրը պատրաստուում էր — ոչ առանց դո-
ղացնող անհանգստութեան — յափշտակել «հիւանդ
մարդու» հարուստ ժառանգութիւնը:

Եւ որքան աւելի էին շեշտում Ռուսաստանի յաւակ-
նութիւնները, որքան աւելի էր առաջանում ցարը դէպի
Պօլիս, այնքան աւելի էր յուզում արեւմտեան Եւրոպան,
մասնաւորապէս Անգլիան: Ամեն ոք զգում էր, որ ապա-
գան յղի էր ահաւոր փոթորիկներով:

Իր հեռաւոր նպատակներին հետամուտ լինելով, ցարը
երբեք չէր թողնում աչքից նրանց հասնելու անհրա-
ժեշտ միջոցը — քրիստոնեայ ազգութիւնների սէրն ու
համակրութիւնը: Եւ ռուսաց քաղաքականութեան մըշ-
տական հոգսն էր՝ միշտ աւելի զօրացնել իր «հովա-
նաւորութիւնը» Բալկանեան քրիստոնեաների վրայ:
Հովանաւորութիւն՝ այն մտքով, որ նրանք ազատեն
թիւրքաց հպատակութիւնից, բայց և այն մտքով, որ
նրանք չապրեն անկախ, քաղաքացիական կեանքով: Ահա
թէ ինչու, երբ Փետրուարեան յեղափոխութեան ալիք-
ները հասան Մօլդաւի-Վալախիային և երբ այնտեղ ևս
սկսեցին սահմանադրական շարժումները, Նիկոլայ I, որ
բնագրական սարսափ էր տածում դէպի յեղափոխու-
թիւնը, շտապեց համաձայնութեան գալ սուլթանի հետ
և 60,000 զօրք ուղարկեց Բուքրէշ՝ ազատագրական շար-
ժումը խեղդելու: Ռուսաց հովանաւորութեան հակա-

ռաշնորդները չարաչար պատժեցին, և Ադրիանապօլսի
դաշնագրով զիջւած մի քանի իրաւունքներ, որոնք որոշ
ազատութիւն էին տալիս վալախ ժողովրդին — ոչնչացան:
Մօլդաւի-Վալախիայի իշխանները զոկեցին իրենց ընդ-
հանուր պատգամաւորական ժողովներից և հօսպօդար-
ներ ընտրելու իրաւունքից, որն այժմ անցնում էր
ցարին ու սուլթանին:

Ռուսաստանը միշտ նորանոր պատրւակներ էր ստեղ-
ծում միջամտելու «հիւանդ մարդու» գործերի մէջ:
1848-1851-ին նրա գործակալները՝ պղտոր ջրում ձուկ
որսալու նպատակով՝ աջողեցին խռովութիւններ յարու-
ցանել տաճկահպատակ Բօսնիայում և Բուլղարիայում,
սակայն տաճիկները բարբարոսաբար ճնշեցին խռովա-
րարներին և Ռուսաստանը ոչինչ չշահեց:

Բայց Նիկոլայ կայսրը a tout prix խզել էր ուզում
սուլթանի հետ, և ահա 1851-ին նա միջամտութեան
մի նոր պատրւակ տեսաւ: Դա Սուրբ վայրերի հսկողու-
թեան խնդիրն էր Երուսաղէմում ու Բեթղէհէմում:
Այդ հսկողութիւնը դարերից ի վեր պատկանում էր
լատին կաթողիկոսներին, որոնք գտնուում էին Փրանսիայի
հովանաւորութեան տակ: Ռուսաստանի վստիմի ձգտումն
էր՝ խիւլ լատիններից այդ իրաւունքը և յանձնել յու-
նադաւաններին: 1808-ին այդ ձգտումը իրագործեց:
Փրանսիան՝ ներքին ալեկոծութիւններով կլանւած՝ մի
վայրկեան մոռացութեան էր տւել իր շահերն արեւ-
մուտքում:

Բայց նապօլէօն III, որ 1851-ին թագաւոր դարձաւ
պետական մի հարւածով, որոշել էր անխախտ պահել
Փրանսիայի պատմական իրաւունքները՝ ընդդէմ Ռուսաս-
տանի ոտնձգութիւնների: 1851-ին նա ուղղեց սուլ-
թանին իր պահանջները Սուրբ վայրերի վերաբերմամբ:
Սուլթանը համակերպեց, բայց Ռուսաստանի սպառնա-
լիքների առաջ ստիպեց յետ առնել իր համաձայնու-
թիւնը: Սուլթանանիստ մայրաքաղաքում մի ճշմարիտ
մենամարտ էր, որ սկսեց Ռուսիայի և Փրանսիայի միջև:
Առաջինը բացորոշ նպատակ ունէր՝ ամէն կերպ դրդել
Թիւրքիային դէպի պատերազմ: 1853-ի սկզբներում
իշխան Մենշիկով Պօլիս ուղևորեց ցարի կողմից յատուկ
յանձնարարութեամբ: Նա սկսեց յորդորել սուլթանին՝
գաղտնի դաշն կապել Ռուսաստանի հետ, որով այդ
վերջինը ձեռք բերեր ներգործական հովանաւորութիւն
Սուրբ երկրի վրայ, միաժամանակ պարտաւորելով ապա-
հովել սուլթանին Փրանսիայի յարձակումների դէմ:
Թուրք կառավարութիւնը խրախուսւած Փրանսիայի և
Անգլիայի ներկայացուցիչներից՝ պատասխանեց, որ «յու-
նադաւանութեան իրաւունքները յարգելով հանդերձ՝
անկարող է կապել մի այնպիսի դաշն, որը խախտում
է նրա անկախութեան ու վեհապետութեան հիմնական
սկզբունքները»:

Մենշիկով հեռացաւ Պօլսից թունաւոր սպառնալիք-
ներով: Տագնապը մօտ էր: Յուլիսի 3-ին (1853) ռու-
սաց զօրքը անցաւ Պրուտ գետը և գրաւեց Մօլդաւի-
Վալախիան: Լուրը տարածւելուն պէս՝ անգլիական և
ֆրանսիական նաւատորմերը շտապով դիմեցին դէպի
Դարդանէլ: Երկու արեւմտեան պետութիւնները Ռուսաս-
տանի համարձակ ու վտանգաւոր արշաւանքի դիմաց՝
համաձայնութեան եկան պաշտպանելու Օսմանեան կայս-
րութեան ամբողջութիւնը, իսկ փոքր յետոյ դաշն կա-
պեցին՝ յարձակողական ու պաշտպանողական: 1854

փետրուար 4-ին դիւանագիտական յարաբերութիւնները խզեցին Ռուսիայի ու երկու արեւմտեան պետութիւնների միջև և պատերազմը սկսեց, Ղրիմի սարսափելի և աւերիչ պատերազմը, ուր հիւսիսի ահեղ վիթխարին, որ այնքան անգամ յաղթական կռիւներ էր մղել թզուկ Տաճկաստանի դէմ՝ սոսկումով յետ նահանջեց անգլո-ֆրանսական զօրքի գրոհի առջև և ջարդուց ամենաողբալի կերպով։ Նիկոլայ կայսր յուսահատութիւնից դեռ պատերազմի մէջ տեղում «յանկարծամահ եղաւ», ինչպէս որ փափկանկատութեամբ ասում է պատմագրողը...

Ղրիմի պատերազմը շատ նշանաւոր եղաւ իր քաղաքական ու սոցիալական հետեանքներով։ 1856 փետրուար 25-ին գումարեց Փարիզում պետութիւնների համաժողով, որ և ստորագրեց մի շարք կարեւոր վճիռներ, բոլորն էլ ուղղած ի վնաս Ռուսաստանի յօգուտ թիւրքիայի։ Սե Ժովը չէզօք յայտարարեց, ռուսաց հովանաւորութիւնը վերացեց Բալկանեան երկիրներից և այդ վերջինները ձեռք բերին կիսանկախ գոյութիւն թիւրքիոյ վեհապետութեան տակ։ Օ ս մ ա ն ե ա ն կ ա յ ս ր ու թ ե ա ն ա մ բ ո ղ ջ ու թ իւ ն ը դառնում է զօգմա միջազգային իրաւունքի և դիւանագիտութեան։ Թիւրքիան բարոյապէս կազդուրում է և աշուհեան Եւրոպայի ու Ֆրանսիայի շնորհիւ պատուաւոր տեղ է գրաւում մեծ պետութիւնների շարքում։ Պէտք էր, որ մի կերպ վարձատրէր նա իր բարեբարներին նրանց ահագին ծառայութեան համար։ Սուլթանը զգում էր այդ, ռուսի և դիւրութեամբ զիջեց երկու պետութիւնների յորդորներին, որոնք ըէֆօրմներ էին պահանջում թիւրքահայատակ քրիստոնեաների համար։

1856 փետրուար 18-ին հրատարակեց Հ ա տ տ իւ Հ իւ մ ա յ ու ն ը, որով հռչակում էր հաւասարութիւն բոլոր ազգութիւնների ու դաւանութիւնների և իրաւունք էր տրւում քրիստոնեաներին՝ մտնելու ամէն տեսակ ծառայութեան մէջ, մինչև իսկ պետական խորհուրդ։ Սոսկ ձևականութիւն էր այդ հանդիսաւոր խոստումը, քանի որ ոչնչով չէր սրբագործւում։ Թիւրքիան կարող էր այն իրագործել կամ չիրագործել և վերջին դէպքում նա ենթակայ չէր ոչ մի բռնի միջամտութեան...

Այդպէս վերջացաւ Ղրիմի յիշատակելի պատերազմը։ Ռուսաստանի զինւորական մեծութիւնը խորտակեց ընդերկար, այնինչ Թիւրքիան արեւմտեան Եւրոպայի ուսերի վրայ բարձրացաւ, հպարտ, չարախնդաց, ամբարտաւան... Այնուհետև նա աւելի ևս բարբարոսացաւ իրրեւ տիրապետող ուժ իր սահմաններում, այնուհետև նա աւելի անգթութեամբ սկսեց հալածել իր հպատակ քրիստոնեաներին, քանի որ ապահով էր այլ ևս ռուսական միջամտութիւնից, քանի որ վստահ էր եւրոպական ջանքերի վրայ։

Ռուսաստանը ուժասպառ, սնանկացած՝ Ալեքսանդր II-ի օրով խաղաղութիւն էր բաղձում։ Ղրիմի պատերազմը մի փառաւոր դաս եղաւ նրա համար։ Նա ապացուցեց, որ սոսկ քանակութիւնը դեռ ուժ չէ կազմում, նա ակներե ցոյց տուեց, որ զօրքի կազմակերպութիւնը, զինւորական սիստեմը, երկրի արդիւնաբերութիւնը և ընդհանուր քաղաքական-սոցիալական կազմը հիւանդ են արմատից և որ Ռուսաստանը կարօտ է խորունկ ըէֆօրմների։ Պատերազմը իր աղետալի հետեանքներով չէր կարող չ'անդրադառնալ երկրի ազգաբնակչութեան

և մանաւանդ ինտելիգենտ խւերի մտածողութեան վրայ։ Գրականութիւնը արդէն վաղուց մերկացնում էր ռուսական կեանքի մոայլ կողմերը, վաղուց ողբում էր հարիւր միլիոնաւոր ժողովրդի անօթութիւնն ու մերկութիւնը։ Բէլինսկի, Նեկրասով, Տուրգենեւ, Դոստոյեւսկի, Էշեդրին և ըն, գրական փայլուն տաղանդներ, աներկիւղ բաց էին անում տիրող չարիքների բուն արմատները և չնայած ցենզուրական կամայականութիւններին՝ կծու քննադատութիւններ էին ուղղում ճորտութեան քստմեղի հաստատութեան դէմ, որ դարերից ի վեր թագաւորում էր Ռուսաստանում։

Ճորտութիւնը տեսականապէս յաղթահարած էր արդէն, երբ վրայ հասաւ Ղրիմի պատերազմը իր հետեանք-ճգնաժամով։ Այդ ճգնաժամը անժխտելի կերպով ապացուցեց նոյնիսկ իրեն վեհապետին տիրող տնտեսական կարգերի վնասակարութիւնը և շուտափոյթ բարենորոգման անհրաժեշտութիւնը։ «Պէտք է խորտակել ճորտութեան կաշկանդող ուժիւնը — և այնուհետև ազատ աշխատաւոր ձեռքերը կը բազմանան, անհատական նախաձեռնութիւնը կը զարգանայ, երկրի առեւտուրն ու արդիւնագործութիւնը կը բարգաւաճեն և ժողովրդի նիւթական մակարդակը բարձրանալով՝ կը ծաղկեն նաև պետական ֆինանսները — գերագոյն գրաւականը պատերազմների աջողութեան — կ'աճի, կը ծաւալի զինւորական ուժը, վերջապէս կը լռեն ներքին յեղափոխական տարրերը» — այս էր, անտարակոյս, իշխողների տրամաբանութիւնը Ռուսիայում, երբ ցար Ալեքսանդր II 1861 փետրուարի 19-ին իր նշանաւոր հրովարտակով ծանուցեց համայն Ռուսաստանին ճորտութեան սիստեմի ոչնչացումը։

Արքայական հրովարտակը ճորտութեան վերացման մասին սակայն շատ շուտով խոր հիասթափութիւն առաջացրեց։ Մարդկային ազատութեան մեծ սկզբունքի հռչակումը ցարի բերանով ունի անշուշտ իր պատմական նշանակութիւնը, իրրեւ մի քայլ առաջադիմութեան ծանապարհի վրայ։ Գիւղացու անձնաւորութիւնը իրաւաբանօրէն ազատ էր յայտարարում։ Ճորտատէրը չէ կարող այլևս ծախել նրան, ծեծել, բռնանալ նրա վրայ։ Այնուամենայնիւ աշխատաւոր ընդհանրութիւնը գործնականապէս շատ քիչ բան շահեց։ Հողը ճորտատէրից անցաւ գիւղական համայնքին, մի խրճիթ, մի թիղջափ հող բաժին հանեց իւրաքանչիւրին, այն էլ ծանրաբեռնած անթիւ ու բազմատեսակ տուրքերով։ «Տիրոջ» իշխանութիւնից ազատելով՝ գիւղացին ենթարկեց պետական բիրօկրատիայի կամայականութիւններին։ Ահա ինչու ներքին դժգոհութիւնները Ռուսաստանում չդադարեցին, և շարժումը ռուս ինտելիգենցիայի մէջ այնուհետև աւելի ևս սաստկացաւ ու ծաւալեց։

Ինտելիգենցիայի աւելի արմատական մասը քարոզում էր յեղափոխութիւն։ Նիհիլիզմը — ծնունդ ընդվզիչ իրականութեան և արեւմտեան գաղափարների ներմուծման — տարածւում էր ներսում և դրսում, համայնաբանական երիտասարդութեան մէջ։ 2-երնիշէվսկի հրապարակ է նետում իր աշխարհահռչակ աշխատութիւնը — «Ի՞նչ անել» — ուր նկարագրում է նա ապագայ սոցիալական դրութիւնը։ Հերցեն, Բակունին, Օգարիով արտասահմանի մէջ են կենտրոնացնում իրենց ագիտացիական գործունէութիւնը։ Լօնդօնը և ազատ Զւիցերիան սիրով հիւրընկալում են փախստական

նիհիլիստներին: Սարսափելի ԿՕԼՕԿՕԼԸ *) (Զանգ) թոյն է ժայթքում Լանդօնից, մահաբեր զոհանջիւնով ցնցում է նա բովանդակ Ռուսաստանը և պատերազմի է կոչում մարտական երիտասարդութիւնը՝ ընդգէմ միապետութեան: Բուն երկրում, գլխաւորապէս մայրաքաղաքներում, հիմնում են գաղտնի բնկերութիւններ, տպարաններ, որոնք սակայն երկար չեն ապրում, արքայական ժանդարմները լրտեսում են ամէն մի անկիւն, խուզարկում, ձերբակալում ու արքորում են: Զէնի-չէվսկի, հանճարեղ մտածողը և ռուս ինտելիգենցիայի ամենափայլուն ներկայացուցիչը, արքունեց որպէս մի աւազակ, մի սովորական ոճրագործ՝ Սիբիրի խորքերը, ուր և ապրեց 20 տարի վայրենի եակուսների մէջ... Ներման արժանանալով՝ նա մի քանի տարի միայն ապրեց: Այդ անսովոր մարդու թէօրիական ու գործնական տաղանդն էր, որ այնքան մեծ զարկ տւեց 60-ական թւերի ռուս յեղափոխական շարժման, որը ունեցաւ յետագայում իր փայլուն դիւցազներգութիւնը և որի վերջին ու ամենամեծ գործը եղաւ Ալեքսանդր II-ի մահւան դատաւճիռը և իրագործումը (1881, մարտ):

Հատուիւհիւմայունի հրատարակումը մի առ ժամանակ վարդապոյն յոյսեր զարթեցրեց թիւրքահայա-տակ քրիստոնեաների մէջ: Առաջին անգամ էր, որ իսլամական թիւրքիւն ժխտում էր հոչակաւոր զօգով մահմէդականի ու «գեմալուրի» տարբերութեան մասին և բոլոր քաղաքացիներին հաւասար էր հռչակում օրէնքի ու հարկերի առաջ: Աբանջելի՝ յայտարարու-թիւն... Բայց որքան դառն էր այն թշուառների յու-սախաբութիւնը, որոնք սուլթանական խօսքին հաւա-տալու միամտութիւնն ունէին: 60-ական թւականներին թիւրքիւն ականատես եղաւ մի շարք իրարու յաջոր-դող ներքին խռովութիւնների ու ապստամբական կռի-ւների: Լիբանանի քրիստոնեաների ջարդը դուզների ձեռ-քով պատճառ եղաւ այդ երկրի անջատելուն Օսման-եան պետութիւնից (1860): Ֆրանսիան էր այդ ազա-տարարը: Կոտորուող մարօնիտները նրա հովանաւորու-թեան տակ էին: 1861-ին ոտքի ելան սեւ-լեռնցի հոչա-կաւոր դիւցազունները Մօնտէնէգրէում և մի փառաւոր ջարդ տւին 20,000 տաճկական կանոնաւոր զօրքին: Դարձեալ Ֆրանսիան էր, որ եւրօպական միջամտութիւն հրաւիրեց, և այնուհետեւ Մօնտէնէգրօյի անառիկ լեռ-ներից ընդմիջող վերացաւ սուլթանական վեհապետու-թիւնը: Սեւ-լեռնցիների փայլուն յաղթանակով քաջա-լերաւ՝ պպստամբեց Հերցեգօվինան, 20,000 սպառա-զէն կտրիճներ չորս ամիս շարունակ դիմադրեցին թուով 60,000 տաճկական զօրքին: Բայց Մօնտէնէգրօյի բախտը չէր վիճակաւ նրան: Եւրօպան այս անգամ մնաց բա-ժանաւ և տրամադիր չէր միջամտելու. Ֆրանսիան զբաղւած էր Մեքսիկայի պատերազմով: Թշնամու քա-նակական առաւելութիւնը յաղթեց վերջապէս, և Հեր-ցեգօվինան դարձաւ անապատ. բնակիչների մի մասը սրախողխող եղաւ, միւս մասը շարունակեց իր ստրկա-կան գոյութիւնը թիւրքաց լծի տակ, որը այնուհետեւ դարձաւ աւելի ծանր, աւելի անողորմ:

Ահա վերջապէս Կրէտէն, միշտ կոտորուող, բայց և միշտ ըմբոստ Կրէտէն, որ նոյնպէս փորձ է անում, արեան

*) Յայտնի ռուս յեղափոխական օրգան, որի ղեկավարն էր տաղանդաւոր Հերցէն:

ու արհաւիրքների այդ ժամանակներում թօթափելու իր վրայ ծանրացող տիրապետութիւնը: Առաջին ան-գամը չէր, որ նրա հետ զաւակները գլուխ էին բարձ-րացնում. 1770, 1821, 1841 թւականները յեղափո-խական արիւնով են արձանագրւած Կրէտէի ազատա-գրութեան պատմութեան մէջ: Վաղուց փափագում էր նա միացած լինել մայր-Յունաստանի հետ... Եւ ինչ-պէս միշտ, այս անգամ ևս ապստամբ կղզին մնաց անօգնական. Աւստրիան ու Անգլիան չուզեցին միանալ միւս չորս պետութիւններին, որոնք առաջարկում էին հաստատել Կրէտէում միջազգային մի յանձնաժողով, որը կարողանար սահմանել մի տանելի վարչութիւն քրիստոնեայ մեծամասնութեան և մահմէդական փոք-րամասնութեան համար: Տասնեակ տարիներ պիտի անց-նէին այն օրից, մինչև որ մարտիրոս կղզին իր զաւակ-ների բուռն ջանքերով կըստանար բաղձալի անկախու-թիւնը...

Տարօրինակ էր Բալկանեան երկրների ճակատագիրը և եւրօպական պետութիւնների գերբը 60-ական թւերին: Մի տեղ՝ արիւն, միջամտութիւն և յաղթանակ: Մի այլ տեղ՝ միևնոյն Բալկանեան աշխարհում՝ քրիստոնեաների ահռելի ջարդեր և եւրօպական անտարբերութիւն: Մինչդեռ Կրէտէն, Հերցեգօվինան՝ լքւած քաղաքակիրթ աշխարհից, մատնւած իսաստ բախտի և կեանքի ար-հաւիրքների՝ ողբում էին իրենց դառն ճակատագիրը— Մօլդաւ-Վալախիան ու Սերբիան եւրօպական միջամտու-թեան շնորհիւ թօթափում էին օտարի լուծը և կազ-մակերպւում իրրեւ անկախ երկիրներ: 1862-ին Ֆրանսիայի և Ռուսաստանի աջակցութեամբ Մօլդաւիա ու Վալախիա միացան, ձուլւեցին մի անկախ պետու-թիւն՝ (Ռումանիա)՝ ընդհանուր իշխանով ու մայրաքա-ղաքով: Իսկ 1867-ին նոյն երկու պետութիւնների վրայ յենւելով՝ Սերբիան դուրս քշեց իր սահմաններից տաճ-կական զօրքի վերջին մնացորդները...

Թ Ի Ի Ր Գ Ի Ո Յ Ե Ո Ի Ր Զ Ը

ՍՈՒՆԹՈՒՆ ԷՄՄԻՆ Վ. Ֆրանսական հանդէսի մը մէջ Մեծ Մար-դապանի մասին մօտէն եւ ձեռնհասօրէն ուսումնասիրւած հոյակապ եւ շահեկանօրէն համադրական յօդւած մը կայ, առնւած Ժօրժ Դօրիսի հրատարակելիք «Արդիւ Համիդ Վ» գրքէն: Այս յօդ-ւածը անհերքելի փաստերով, պաղարկումներով, անվրէպ տրա-մաբանութեամբ կը լուսաբանէ ամբողջ մարդկութեան աչքին առջեւ Մեծ Մարդապանի ինչպէս հոգեբանութիւնը, իր այլա-զան եւ հակասական երեւոյթներով, կը մտնէ անոր զգացումնե-րու աղջամուղջին մէջ եւ կ'առաջնորդէ մեզ, Արիւնէի թեւը բռնած, այն ոճրային լաբիրինթոսի մէջ, որ կը կոչէի սուլթան Համիդի հոգեկան աշխարհը: Հեղինակը կը քրքի մեր առջեւ դիտողի վարպետ վրձինով անոր քնախօսական կազմութեան զուգըն-թացաբար անոր էութիւնը: Կը բացատրէ ամբողջ անոր անհերքելի եւ դժոխային նսասիրութիւնը եւ իր երկրին քանդումին «գե-րագոյն գործաւորի» դերը:

Համիդի դէմքին վրայ հեղինակը տիրականօրէն կը թարգ-մանէ անաւոր ոճրագործի մը բոլոր յայտարար նշանները:

Սուլթան Համիդ շարագործ մըն է կրկին պատմաբանութե-անգականօրէն «մօրուց» իր վրայ կը կրէ ոճրագործի բոլոր արտաքին գծերը. երկրորդ՝ ապրած սարսափի միջավայրին մէջ աւելի շեշտւած են անոր քնածին շարութիւնները:

Համիդ զգւելի ստեղծագործութիւն մըն է, հրէշ-զազան մը, զոր պէտք է հալածել արդարութիւնով եւ վրէժխնդրութիւնով միանգամայն:

Այդ նշանաւոր եւ հեղինակաւոր յօդւածը կը փութանք հա-մառօտել «Դրօշակի» մէջ:

Սուլթան Համիդ 59 տարու է, կզակները լայնացած են, այնպէս որ երեսը դաժանային կոպիտ ծեւ մ'առած է. երեստակները դուրս ցցւած են՝ փոսը ինկած այտերուն վրայ, կարծախիւսան մօրուքով, որ շէշի մը պատուիրած դեղով միշտ կը ներկէ: Ճակատը թեթեւ մը կունտ է, գլուխը ճաղատ եւ հալ զունատութիւն մը ունի: Վերի շրթունքը բարակ ու չար, վարիքը բարակ ու հեշտանքոտ արտայայտութիւն մը ունին: Բերնին նկարագիրը ամբողջացնող անգթութեան ծալքը աւելի խորունկ եւ տեսանելի է:

Սուլթանի բոլոր դիմագծերը անոր այլեւայլ նկարագիրներուն վկաններն են, նոյնիսկ իր կեղծաւոր անուշութիւնը ապացոյց է ատոր:

Իր ֆիզիքական կազմը անոր մտաւորականութեան վրայ ազդած է: Ազդիւ Համիդ չլախտաւոր մըն է, մեծամուկ մը: Թիւրք մը որ երկար ատեն անոր մտերմութիւնը վայելած է՝ կըսէ. «Դեռ չեմ գիտեր թէ Համիդ խելացի» մարդ է թէ ապուշ, արիասիրտ թէ վատասիրտ, ողջամիտ թէ յիմար:

Մշտական երկիւղը՝ որուն մէջ կ'ապրի սուլթան Համիդ, անոր բոլոր խելքը միտքը լարած է իր անձին պաշտպանութեան համար եւ միմիայն այդ նպատակին ծառայող կարողութիւնները զարգացուցած է, ինչպէս կասկածոտութիւն, խորամանկութիւն, ինքնապաշտպանութիւն, որոնք հեշտայինօրէն զարգացած եւ իր չլախտութենէ յոգնած ուղեղին մէջ բնականաբար մոլորութիւններ եղած են: Համիդի մեծամտութիւնը այն կարգէն է, զոր բժիշկները կ'անւանեն «հալածական-հալածիչ»:

Ինքնապաշտպան վարդապետութիւններուն կատարեալ ծանաշութիւն ունի: Գիտէ խելդել պետութիւններու պահանջները անոնց մէջ գծողութիւնը վառ պահելով, ինչպէս ըրաւ 1896-ի հայկական ջարդերուն:

Բայց այս բոլոր խելացիութիւնը աղիտաբեր է: Մահան յաւիտենական սարսափի, խղճի խայթի եւ ծանծոյթի որս եղած՝ իր անձին պաշտպանութեան մոմտուքը, իր կասկածոտութիւնը, նախզգուշութիւնը անգթութեան միեցին գիտէ: Իր անձին վրայ մտածող այս տխուր վեհագետը, երկրի դատին ծառայելու տեղ, կը կործանէ զայն:

Յամառ է, ուժին առջեւ միայն տեղի կուտայ. միշտ նորնոր հարագիտութիւնով ամէն վտանգէ կը խուսափի: Իր թշնամիներուն դէմ, որոնցմէ կը վախնայ, ամեն ցածութեան ընդունակ է. վրիժառութենէն հեշտանք կը զգայ:

Հիւանդ ջղերը կը հանդարտին, որք մէկուն արիւնը թափէ. «Խրկունը անկողին մտնելէ առաջ, կը պատմէ սենեկապետ մը, սպանութեան եւ զխատութեան զրքեր կարգաւ կուտայ. ոճիրներու պատմութիւնը կը ջղագրգռէ զինքը եւ չի կրնար քնաւալ. բայց հէնց որ արիւնահեղութեան կէտը կուգայ, կը հանդարտի եւ քունը կը տանի»:

Բնականէն անգութ է: Օր մը անոր առջեւ կը խօսէին հին փառիշտներու բարբաբոս սովորութիւններու վրայ որոնք իրենց վէճերներուն գլուխը կոծին վրայ դրած զխատել կուտային. Համիդ երազուն ծեւով, իբր կատակով, ըսաւ. «Մեղք որ ես այնքան չեմ կրնար»:

1896-ին Պապը Ալիի ցոյցէն ետք՝ Ազգեան պատրիարքին (") ըսաւ. «Հայերը այդ միջոցներով կուզեն եւրօպական միջամտութիւն հրահրել. լաւ գիտցէք որ եւրօպական նաւատորմները նեղուցներէն ներս կրնան մտնել եւ եւրօպական բանակները կրնան իմ մայրաքաղաքս, բայց անոնք իմ հողիս վրայ կ'ընեն առաջ վտարի արկները բոլոր հայերի արիւնով պիտի ներկան»:

Պատրիարքը անոր ոտքն ինկաւ, բայց Համիդ հրամայեց որ հեռանայ: Իսկ 1896-ի մեծ ջարդերէն ետքը Ազգեան կաթօլիկ հայերու պատրիարքը կանչելով ինքզինք կ'արդարացնէր ըսելով, թէ ինք այդ ջարդերուն պատասխանատու չէ եւ պարզ գործիք մը եղած է:

Իր վրէժխնդրութենէն դժւար է ազատել. Օտեան էֆէնտի հագիւ Եւրօպա փախաւ, երբ իմացաւ մեծ սենեկապետ Բեամիւ պէյի միջոցով, որ սուլթանը մտադիր է զինքը մէջտեղէն վերցնել:

Այնպէս կը ցցնէ որ ինք գիտատուութեան զանձ մըն է. գիտնալով որ ոչ ոք զինքը կը սիրէ՝ կ'աշխատի ամեն տեղ համակրութիւն վաստակել եւ յաճախ կը զանգատի մարդոց արագ-բախտութեան վրայ, այնպէս որ շատերը կը խաբին:

Հազազիւտ է տեսնել եւրօպացի մը, որ մօտենալով չի հրապուրի անոր համբոյք ընաւորութենէն, զոր գիտէ զարմանալի վարպետութիւնով շուայել: Եւրօպայի ամենապարզ զբօսաշրջիկներն իսկ կը պատուասիրէ, սեղան կուտայ եւ սէլամըի ատեն անոնց արքայական բարեւներ կ'ուղարկէ: Ադ մարդիկը պիտի նկատեն որ Եւրօպայի տրոտուշները անհիմն են սուլթանի դէմ եւ պիտի երթան Արեւմուտքի սալօններուն մէջ անոր գովեստը քննել:

Նկարագրով շատ վատասիրտ է եւ ցած: Այն մարդէն ուրկէ կը վախնայ եւ որուն ձեռք չի կրնար դաշնել, զայն սիրաշահելու համար վերջին ծայր կըստորանայ:

Հայկական ջարդերուն ատեն, երբ Կադստօն «Մեծ Մարդասպան» անւանեց զինքը ու Լօնդօնի մամուլը կ'առաջարկէր զահէն վար առնել զայն, եւ երբ Մէյմուր ծովակալը Արշապի-դագոսի մէջ ժուռ կուգար, իրիկուն մը Լօնդօնի իր դեսպանէն հաղորդագրութիւն մը ստացաւ, որուն վրայ իր փրկութեան միակ միջոցը փախուստի մէջ փնտռեց. իսկոյն իր նախարարները արտակարգ ժողովի հրահրելով, կացութեան վրայ խորհուրդ հարցուց. այդ պահուն կայսերական իզէդդին շոգնաւը կազմ պատրաստ կեցած էր Պէշիկթաշի առաջ, փառիշտը Օղեսսա փախցնելու համար:

Իր նախարարներէն մին, Մահմուտ Զէլալտօղի փաշան, առաջարկեց նախապէս Գերմանիոյ դեսպանին խորհուրդ հարցնել սուլթանը անմիջապէս իր սիրականը, իզէթ պէյը, դրկեց Կիյօմի ներկայացուցչին. բայց մինչեւ անոր վերադարձը սուլթանը նեարդային դրութեան մէջ մոայլ անհանգստութեան վատնւած էր եւ արդէն իր մէջքի կամարին մէջ լեցւած էր բոլոր պանք-թուղթերը, գոհարները: Երբ իզէթ պէյ գերմանական դեսպանատնէն խոստում բերաւ, որ Կիյօմը պիտի պաշտպանէ «իր քարեկամը», Արշապի Համիդ ուղախոթեցնէ խելայեղ, իզէթին առջեւ ծուկ չընցաւ եւ իր գորովի հաւաստիքը տաւ անոր:

Համիդ ունէ քնական համակրութիւն չունի անկախ եւ հպարտ հոգիներու համար. ամեն միջոց գործ կը դնէ կաշառելու եւ անոր արժանապատուութիւնը փճացնելու ջանքով: Կաշառելու շատ մը ծեւել ունի, մանաւանդ երիտասարդութիւնը՝ պաշտօնով, շքանշանով, փողով եւլն, երբեմն գործին մէջ գեղեցիկ կիներ ալ կը խառնէ: Եթէ մէկը չհրապուրէ՝ կը լրտեսի, կը զրպարտի, կը հալածի. Համիդ յաջողած է այսպէս ապականել ազգին ընտիր մասը եւ ստեղծել սերունդ մը, որուն մէջ ներարկեցին էն անբարոյական եւ էն նւաստ սկզբունքները:

Ալի Սայիպ փաշան, որ մինչեւ ան ատեն անբասիր մէկն էր, սէրասքէրութեան բարձրանալէ երեք օր վերջը սուլթանին ներկայացաւ: Խօսակցութեան ատեն սուլթանը ըսաւ. «Մոռիկ ըրէք, սէրասքէի, գիտեմ որ ինձի ծառայողները՝ անմեղիութիւն կը ցցնեն, բայց գիտեմ նաեւ որ անոնք իրենց շահերը անտես չեն ըներ եւ հարստանալին կը նային»:

Ալի Սայիպ փաշան նախապէս գէշ տպաւորութեան տակ կը մեկնի, բայց սուլթանը ետքէն տեսաւ որ իր նախարարը ահաւջին օղ ըրած էր իր դասերը:

Սուլթանի կաշառագործութեան շափը անցաւ, երբ Եւրօպական մամուլի կարեւոր օրկաններու ծայրը խելդել ուզեց: Գնեց դիւանագէտներ, քաղաքագէտներ եւլն:

Վեց ամսան մէջ, ըսած է Սայիտ փաշան, հայկական ջարդերը օսմանեան զանձուն արժած էին. լրագիրներ վարձելու համար, մօտաւորապէս 640 պատուանշան եւ 235 հազար օսմանեան ոսկի:

Սուլթան Համիդ, այդ փորձոտ Յուզուրտան, փորձեց գնել «Թալմազ»: Պերլինի վեհաժողովի բացման ատեն, կ'ըսէր Սաֆ-ֆէթ փաշային՝ «մէկ միջոց ոսկիով կրնանք փակել Պիզմարքի բերանը»:

Համիդ ոչ կրօն ունի, ոչ հաւատք. միւսիւլման սովորութիւնները առերես կը յարգէ՝ միսիւլման ամբողջ մոլեռանդութիւնը չզրգուելու համար, սաստիկ կ'ատէ քրիստոնեաները, յաճախ կ'եւ վրէժը քաղը կը գործածէ անհաւատ ըսելու կամ միսիւլման մը նախաւորելու համար:

Պարագային համիմատ այլեւայլ կրօններու ներողամտութիւն եւ յարգանք կը կեղծէ: Յունաց պատրիարքը ընդունելով կ'ըսէ անոր, թէ օրթօդոքսութիւնը կրօններու էն հօրն է, քաղաքացեւոյ պատրիարքին, թէ իր դաւանանքը էն տրամաբանականն է. հրէից իսկամապետին, թէ Մովսէսի օրէնքը էն մօտիկն է մարգարէի օրէնքին: Նախկին արարողապետ Միւնիր փաշան պատմած է սա նշանակալից դէպքը. «Սուլթանը օր մը Պապի պատիրակ մօսնէնօր Պօնտօսի երկար բարակ կը գովէր կաթօլիկութեան մեծութիւնը եւ պապութեան փառքը, այնքան շքեղանալով, որ մօսնէնօրը խորապէս յուզւած կերեւար: Ունկնդրութիւնը վերջանալուն, Պօնտօսի կը մեկնի եւ սուլթանը Միւնիր փաշային «Ապուշը կ'ըսէ, քահանայ խնդալով՝ հաւատաց ինչոր կ'ընցուցի, մինչեւ իսկ աչքերը լեցեցան»:

Համիդ իր ժողովրդին նկատմամբ անտարբեր է եւ արհամարտ եւ զայն անարգ հօտ մը կը նկատէ:

Համիդ իրեն մասին մեծ կարծիք ունի, բայց իր նախարարներուն եւ զինքը շրջապատողներուն բարոյական նկարագիրը լաւ կը ծանշայ եւ այնպիսի գոյներով ու խօսքերով կը նկարագրէ որ գրէի ամօթխածութիւնը կամշայ գրի առնել:

Անգամ մը արեւելագէտ Վամպէրի սուլթան Համիդի հետ նստած կը խօսակցէր: Սենեակին խորը Սայիտ փաշան դաւն ետեւ ոտի վրայ ներկայ էր այդ ունկնդրութեան: Դմբիկ այլոց Վամպէրի խօսեցաւ բարձրորգումներու մասին եւ անոր նախարարներու գովեստը ըրաւ: Սուլթանը սկսաւ ծիծաղել:

„Անոնք ապուշ յիմաններ են“ պատասխանեց. յետոյ դառնալով — „այնպէս չէ“ հարցուց Սայիտ փաշային. — „Այո տէր“, փութաց պատասխանել մեծ վէճերը: „Ամենքն ալ ասոր (վէճերին) պէս են“, ըսաւ սուլթանը դառնալով վամպէրին:

Սուտ է թէ Համիդ կոյր զործիք է զինքը շրջապատողներուն ձեռք, ամեն բան գիտէ շնորհիւ իր անթիւ, անհամար լոտեսներուն եւ ամեն բան իր խորհրդովը կը լլայ եւ ուրիշները իրեն զործիք են:

Կ'ընդունի միայն այն մարդոց խորհուրդները, որոնք իրեն պէս կը մտածեն:

Պօլսոյ չարդերէն ետքը, խաղաղութեան վերահաստատման համար շատերուն իր հետեւելիք ընթացքի մասին կարծիք հարցուց: Երբեք մէջ մոլորած սրտի ու խղճի տէր մարդ մը, սենեկապետ Էմին պէյ, խոր եւ ազատամիտ բարենորոգումներու ծրագիր մը ներկայացուց: Սուլթանը կատոնեցաւ եւ սենեկապետը անկէ ի վեր աչքէ ինկած է: Ընդհակառակը ի զգէթ պէյ անոր սիրելի ըլլալու համար խորհուրդ կուտար որ աւելի աւելի խիստ միջոցներ ձեռք առնէ:

Համիդը ընաւ երկիրը ինկած տեղէն վերցնելու ջանքեր չէ ըրած, բայց ամեն բան ըրած է զայն կործանելու, ամեն շարունակ զործած է զահին վրայ հաստատ մտալու համար: Իր հարստահարիչ ուժին տարրերը քաղեց լոտեսութեան, տգիտութեան, անգթութեան, իրար զոգնութեան, անիրաւութեան, կաշառատութեան եւլն եւլն մէջ:

Արդիւ Համիդ էն զարհուրելի զեղծումը ըրաւ սա երկու միացած նշանաբաններուն՝ „պետութիւնը, ես ինքս եմ“, „ինձմէ ետքը չընդունի“, որոնք՝ զատ զատ զործադրելով իրենէն աւելի զօրաւոր պետական ղրութեան մը մէջ, երկու անգամ կործանեցին զայն:

Մ Ա Մ Ո Ւ Լ Ի Տ Ե Ս Ո Ւ Թ Ի Ի Ն

* *

Հայաստանի գերմանական որբանոցներու նպաստամատոյց յանձնաժողովին բերան *Der christliche Orient* ամսագրերի հոկտեմբերի թիւը կը պարունակէ Խոյի որբանոցի տնօրինուհիին կողմէ գրած՝ շատ բնորոշ տեղեկագիր-նամակ մը: Խօսելով որբերու աշխատասիրութեան մասին՝ տնօրինուհին կը գրէ.

„Յակոբ մեր է՛ն ընդունակ եւ է՛ն յաջողակ տղան է. գերմաներէնի դասերուն սկիզբը անգամ մը սա նախադասութիւնը կապեց ինձի — «Իմ բախտս Բերլինն է» — Բայց եթէ հոս մնայ, ապագային անպատճառ յեղափոխականներուն մէջ պիտի մտնէ, արդէն ամբողջովին ասոր հակամիտ է. բայց այժմ կրնայ լաւ ճամբու մէջ գրւիլ. եթէ Գերմանիա տարիւր Ա. Ղ. Նիկիեի ուր ոչ ոք է ք հոգ տանիլ. ամէն պարագայի մէջ տղայոց համար գերմանական խիստ դպրոցները հրաշալի են, մանաւանդ Յակոբին համար“.

Այս շատ տխուր պարբերութիւնը կարգալէ յետոյ դժուար չէ գուշակել. թէ ինչ պիտի դառնան մեր որբերը, եթէ այս ուղղութեամբ կը կրթւին ամէն տեղ: Ահաւասիկ հայ տղայ մը, որու մէջ սակայն դեռ թարմ հայ արիւնին բողբոջ կը խօսի ու ինքնաբերաբար կը կարկառի այն խումբին, որ այդ անհուն բողբոջն արտայայտութիւնն է: Իսկ աստածաժախ տնօրինուհին, որ թերեւս ալ զւիցերուհի մըն է, Վիլհելմինէի հայրենիքէն, անկարող այդ բնական հզօր մղումին խորհուրդը հասկանալու, չարիք մը կը մեկնէ զայն ու միջոց կ'առաջարկէ հայ որբը յլաւ ճամբու մէջ դնելու — հայութենէն խլել զայն... „Աղջիկները որոշած էք հոգ տանիլ“, բայց „գերմանական խիստ գպրոցները հրաշալի են մանաւանդ տղայոց համար“ — կ'ըսէ գերման միսիօնարուհին: Եւ ո՞վ գիտէ, քանինքն գացած են և պիտի գնան այդ յլաւ ճամբաներով:

որ հացով կը սալատակեն քրիստոսապաշտ միսիօնարները...

„ԶԵՅԹՈՒՆԻ ԱՆՑԵԱԼԷՆ ԵՒ ՆԵՐԿԱՅԷՆ“, մասն Ա, գրեց ԶԵՅԹՈՒՆՑԻ. — Սոյն գիրքը 160 երեսներու մէջ կը պատմէ մեզի (երկրորդ մասը պիտի նւիրի Զէյթունի վերջի դէպքերուն) զէյթունցիներուն հերոսական պատմութիւնը, անոնց լեռնական անկախ ոգին, քաջագործութիւնները զրացի մոլեռանդ տարրերուն և ոսոխ կառավարութեան մը դէմ: Հեղինակը իր պատմածներուն մեծ մասին ականատես եղած և ապրած է այն կեանքը, որով գործը շահեկանութեան հետ վաւերականութիւն ալ ունի: Մեր ժողովրդի թշառ, ըստ-րուկ վիճակին մէջ բռնաւորներու լուծին և յաւիտեանական անարգանքին ենթակայ, Զէյթունի պատմութիւնը սփոփիչ, օրինակելի և սրտապնդող դիւցազններգութիւնը կը հանդիսանայ մեր տարեգրութիւններուն մէջ: Հրատարակած է Վիեննա, Միխիթարեան տպարան, գինն է 3 ֆրանք 75 սանթիմ:

Թ Ե Ր Թ Օ Ն

„Պ Ր Օ Ա Ր Մ Է Ն Ի Ա

Նկատի ունենալով, որ հայոց հասարակութեան մէջ կան շատերը, որոնց անմատչելի է ֆրանսերէն լեզուն՝ նոյնպէս և այնպիսիք, որոնք անկարող կը լինեն ձեռք բերել այդ հանդէսի համարները, մենք օգտակար ենք համարում, „Դրօշակի“ այս համարից սկսած, առաջ բերել քաղաքօրէն կամ ամբողջօրէն „Պրօ Արմէնիայի“ իւրաքանչիւր համարի աչքի ընկնող յօդածները: Այդպիսով յոյս ունենք, որ կարող ենք հայոց հասարակութեան զանազան խաւերը տեղեկ պահել եւրօպացի մեզ համակիր յայտնի գրողների մտքերին և պաշտպանողական խօսքին:

Այս անգամ առաջ ենք բերում ամբողջովին խմբագրական ծանուցումը, պ. Վլէմանսոյի յօդածի առաջին մասը, մի կտոր Պիէռ Քիառի տեսութիւնից, և մի փոքրիկ հատած Պրէսանսէի գրածից:

1

Ծ Ա Ն Ո Ւ Ց Ո Ւ Մ

«1894, 1895 եւ 1896-ի մեծ կոտորածներն, որոնք կատարուեցին սուլթան Արդիւ Համիդի հրամանով եւ առաջ բերին 300 հազար զոհեր, հազիւ են սկսում իրենց բոլոր մանրամասնութիւններով յայտնի դառնալ Եւրօպայում, եւ թէեւ նոր, բայց դրանք կը մոռացւէին ու կը նետուէին պատմական աղետների շարքը, եթէ մարդիկ հետեւէին քաղաքագէտների կարծ լիզողութեանը:

Սակայն այդ ժամանակներից ի վեր՝ հայ ցեղի կանոնաւոր բնաջնջումը շարունակուում է աւելի ծանր, բայց նոյնպէս հաստատ միջոցներով. համաշխարհային վատաւարութեան դիմաց՝ առաջին ոճիրների հեղինակը մտածում է կատարելութեան հասցնել իր գործը եւ նորից վերսկսել Անատոլիայի մէջ սպանութիւն, թալան, բռնաբարում եւ հրդեհ:

Ականաւոր ֆրանսիացիների եւ օտար աշխատակիցների աշակցութեամբ՝ մենք պիտի հրապարակենք կատարած գաղանթութիւնները եւ անդադար պիտի յիշեցնենք Եւրօպային, որ դաշնագրերի զօրութեամբ նա իրաւունքներ ունի գործադրելու Մեծ Մարդասպանի դէմ եւ պարտա-

կանութիւններ՝ նրա խենթութեան զոհերի վերաբերմամբ։
Հարցը ոչ Օսմանեան երկրում բնակող ունէ ցեղի դէմ
խաչակրական ոգի արթնեցնելու եւ ոչ էլ այնտեղ դաւան-
ւող ունէ կրօնի դէմ ատելութիւն սերմանելու մասին է։
Բայց եթէ մենք պատրաստ ենք լոյս ընծայել սուլ-
թանի բոլոր ոճիրները այն ժողովուրդներից իւրաքան-
չիւրի դէմ, որոնց չար բախտը նրա հպատակներն է
զարծրել, մենք մասնաւորապէս աւելի պիտի յարենք
հայկական տառապանքներին,

որովհետեւ այդ տառապանքները վերազանցում են
բոլոր միւսներինը։

որովհետեւ միւս ազգութիւնների չարքում դա՛ մի
խելացի, արեւմտեան քաղաքակրթութիւնը իւրացնելու
ընդունակ ցեղի համար կիանքի ու մահւան խնդիր է։
որովհետեւ գործնականապէս Եւրոպան զինւած է
Բելլիկի դաշնագրութեամբ՝ վերջ դնելու այդ սարսափ-
ներին եւ պատրաստելու այդպիսով ամբողջ Տաճկաս-
տանի վերածնութիւնը»։

«ՊՐՕ ԱՐՄԵՆԻԱՅԻՆ ԽՄԱՐԱՐՈՂՈՒԹԻՒՆ

II

ԱՐԻԻՆԱՆԱՆԱՆ ԶԵՌՔԸ

Հողագնսի բոլոր մասերում մեր ժամանակը բնորոշ-
ւում է ուժի յաղթանակով եւ գաղափարի պարտութիւնով։
Դարանամուտ գաղանների պէս, կարծեցիկ «վեհապետ-
ները» այն մարդկանց, որոնք թագնւած են նրանց պաշտ-
պանութեան գործիքների ետեւը, սպասում են մի որսի,
որ սանձարձակ սպանութիւնների դիմեն։ Այնտեղ որ
ժողովուրդները ուժասպառ են լինում, որպէսզի բազ-
մանան ջնջման այն գործիքները, որոնք պէտք է ոչնչա-
ցեն նրանց ջանքերի արդիւնքները։ Տիրոջ մի հատիկ
նշանով նրանք պատրաստ են իրար վրայ յարձակել,
սերմանելով ամենուրեք աւերում եւ մահ։ Ամբողջ քա-
ղաքակրթութիւնը եկել, կանգ է առել կոտորածների
մի ահագին կազմակերպութեան վրայ։ Մարդկային եղ-
բայրութեան քարոզիչը ծիծաղելի, նոյնիսկ զգուշ-
են դարձել, որովհետեւ («դաւաճանութիւնը») այս «կոսմո-
պոլիտիզմ» վրայ է ծաղկում Մարդիկ անկարող լինելով
բանաւոր պատճառներով արդարացի իրենց փոխադարձ
ատելութիւնը, տրամադիր են իրար պատառտել, իրար
կոտորել։ Գուցէ պէտք է, որ նոքա արիւնով կշտա-
նան, որպէսզի կարողանան այս մարդակերութեան գոր-
ծողութիւններից զուել։

Իսկ մինչ այդ, կոտորածների արհեստը ամենաազնիւ
միջոց է համարում իսկիւր եւ մտքի գործածութեան
համար, եւ որովհետեւ իւրաքանչիւր արհեստիւր կատարե-
լագործութեան կարող է հասնել միմիայն գործնական զար-
գացումով, սպանութիւնը իրենց համար արհեստ չինած
մարդիկ վարժւում են սեւամորթների եւ գեղնամորթ-
ների վրայ, իր անարգ էակների վրայ, որոնց նախախ-
նամութիւնը նրանց ձեռքն է յանձնում։ Սեւ Աֆրիկան
մատնւած սպիտակ քաղաքակրթութեան ամենավատ
գաղանութիւններին, կազմում է կոտորածների մի լայ-
նատարած դաշտ, ուր կատարւում են մարդ-զաղանի
ամէն տեսակ բռնութիւնները։ Իսկ երբ սեւամորթները
իրենց չեն պաշտպանում սպիտակների դէմ, սրանք
սկսում են փոխադարձաբար իրար բնաջինջ անել։ Զօրեղի
իրաւունքի հիման վրայ, Անգլիան ջնջում է մի կենդանի
ազգութիւն՝ առանց ուրիշ ժողովուրդների կամ նրանց
կառավարութիւնների կողմից ունէ բողոք յարուցանելու։
Յիշեցէք այն վեհանձն չարութիւնները, որոնք հետեւեցին
Լեհաստանի բաժանման, եւ չափեցէք մեր ետեւ գնա-
ցած ճանապարհը։

Ասիան իր բոլոր սահմանների վրայ միաժամանակ
յարձակութիւնների է ենթարկւած ու հիւսիսից եւ արեւ-
ելքից յարձակողները միմեանց հանդիպում են արդէն
Հիմալայան լեռների գոգի ատմել։ Իսկանդրի Եւրո-
պայի զօրքերը այժմ բանակ են դրել չինական մայրա-
քաղաքի մէջ եւ գերմանական կայսրը նշանաբան է տւել
իր ընդհանուր հրամանատարին. «վերսկսէք Ասիլլան»։

երբէք մի խնայէք»։ Կայսրի զինուորների նամակները,
պատմելով գարշելի կոտորածների մասին, ցոյց են տալիս,
որ այս խօսքերը գործադրւում են տառական մտքով,
եւ ուսմանը Մանչուրիայի մէջ հազարաւոր չինացիներ
դետն են լցնում առանց սեռի եւ հասակի խարտիթեան։

Փոքր Ասիան ակոսաւ եւ ոչ պակաս գարշութիւն-
ների։ Այնտեղ Կարմիր սուլթանն է, որը, քրիստոնէու-
թեան բարեացակամ հովանաւորութեան քողի տակ, հրով
եւ սրով բնաջինջ է անում հայկական նահանգները։ Ուր
են վաղեմի խաչակրաց արշաւանքները։ Ահ, իսլամը
խկապէս յաղթեց քրիստոնէայ ասպետներին, որոնք
Քրիստոսի գերեզմանը ազատելու պատրւակով՝ նետեցին
այնքան խենթ արկածների մէջ, ժամանակակից գաղ-
թային քաղաքականութեան մոլեգնութիւնը կարիք ունէր
բարեպաշտ մի պատրւակի։ Չինաստանի մէջ է այժմ,
որ քրիստոնէական կեղծաւորութիւնը պարզւում է։ Մի-
սիոնարները, որոնք հաւատի բերելու համար այնքան
մարդիկ ունէին իրենց հայրենիքի մէջ կամ հէնց նոյն
երկրում, որն ընդունեց Քրիստոսի վարդապետութիւնը,
թող են ապիս տաճիկ զինուորներին պանակոծել աստ-
ւածային չիրմի շուրջը գտնող ուխտաւորներին եւ
գնում են սաստելու գեղնամորթներին, որպէսզի ճանա-
պարհ բաց անեն աշխարհակալ զօրքերին։

Սակայն՝ աստւածաշնչական տեսարանների հողի վրայ
խալիֆա մարդասպանը զրդում է մահմետական մոլե-
ռանգութիւնը Հայաստանի քրիստոնէաների դէմ, եւ
Քրիստոսի փոխանորդ Պապը մի բողոք, մի գթութեան
կոչ չէ բարձրացնում, ոչ էլ մարդկային իրաւունք-
ների պաշտպան միջնորդ համարձակւում է արդարու-
թիւն պահանջել կամ գոնէ մարդասիրական մի խօսք
ասել։

Նշաւակել մի թագաւոր աւագակ, որ գիւղեր եւ քա-
ղաքներ աւարի է մատնում, անգէն մարդիկ է կոտո-
րում, եկեղեցիների մէջ այրում է—ինչպիսի՞ լլկանք-
ներից յետոյ—կանայք, մանուկներ ու ծերեր, աւեր-
րակ դաշտերի մէջ է նետում անապատան, առանց
տպրուտաի միջոցի մարդկային հոտեր, որոնց վերջապէս
գալլերի կերակուր պիտի դարձնի ծեծը, — ո՛ւմ մտքից
է անցնում։ Ռուսաստանը իր սահմանների վրայ խառ-
նակութիւնների կարիք ունի՝ յարմար բոլորին իր միջա-
մտութիւնը արդարացնելու համար։ Բացի գրանից՝ յու-
նական ուղղափառութեանը դիւր չէ գալիս կաթօլիկ
ազգաբնակչութեան չափազանց բազմաւալը։ Ուրեմն
թող տաճիկը իր ուզածին չափ արիւն թափէ։ Երբ
ուսը թողաւորում է սպանել, միջնորդն չէ, որ ձայն պիտի
բարձրացնէ։ Հանստոն եւ Լօբանով իշխում էին այն
ժամանակ ֆրանսիական հանրապետութեան վրայ, ինչ-
պէս Լամարտիք եւ Դելկասէն իշխում են այսօր։ Քանի՞
հողի էինք մենք, որ աշխարհի բերանը ձգեցինք Ար-
գիւլ Համիդին («Մեծ Մարդասպանին»)։ Ի՞նչ միջոցներով
լեռնեցիկ տւին միւսներին։ Առնւազն երկու տարի պա-
հանջեց, որպէսզի պարլամենտը նոյնպէս վրդովէր,
եւ արդիւնքը ի՞նչ։ Պարլամենտը կարող էր իր պատիւը
պահել պարսաւանքի մի քէտարկութեամբ, բայց դա
մեծ յանդգնութիւն համարւեց։ Դեռ բախտաւորութիւն
է, որ Հանստոն—«Կարմիր Սուլթանը» չողորթողը—
չպահանջեց պարլամենտից շնորհաւորութիւններ հայկա-
կական կոտորածների համար...

Ժ. ՆԼԻՄՈՍՈ

III

Պ. Պ. Քիառը հայկական ինգրին նւիրած մի ըն-
դարձակ եւ փայլուն առաջնորդողում, լուսաբանելով
Հետեւեալ երեք կէտերը՝ 1) որ գրութիւնը Տաճկաս-
տանում այսօր նոյնն է, ինչ որ էր մեծ կոտորածների
նախընթաց օրը, եւ որ օրէօր սպասելի է սպանութիւն-
ների մի նոր տագնապ, 2) որ սուլթանը անձամբ պա-
տասխանատու է Օսմանեան կայսրութեան մէջ կատար-
ւած ոճրագործութիւնների համար եւ 3) որ եւրոպա-
կան մեծ պետութիւնները կարող են վերջ դնել այդ

արիւնշաղաղ օրգիային՝ գործադրել տալով գոյութիւն ունեցող դաշնագրութիւնները, — վերջացնում է իր յօդածը այսպէս.

«Մի նոր ճգնաժամ մտալու է. զուգէ մեզանից է կախած դրա առաջն տունը կամ գոնէ մինչեւ վերջը անձկութեան եւ անընկճելի յոյսի ազդակներ արձակել աշխարհի չորս կողմը: Հայ ցեղը՝ դարուց դար ջարդուկտոր եղած, կարծես իր մէջ պարունակում է մի առանձին խորհրդաւոր կենսունակութիւն: Կարծի է ասել, որ նրա հին տարեգրողները նախատեսել էին նրա տառապանքներն եւ նրա մեծութիւնը՝ Գրիգոր Լուսաւորչի առասպելի մէջ:

Տրդատ խազաւորը Լուսաւորչին բարձրացնել էր տեղ ամենաբարձր պատի վրայ, ձեռք ու ոտքերը կապած, սանձը բերանին եւ մէջքը ազով կռււած: Այդ գրութեան մէջ Գրիգորը ողջ մնաց եօթ օր: Այն ժամանակ Տրդատը նրան կախել էր ստից, գլխովայր, հրամայելով աղբ վառել նրա գլխի տակ եւ մարմինը ծեծել ճպտով: Այս անգամ էլ եօթերորդ օրը Գրիգորը դեռ կենդանի էր: Տրդատը այժմ փշրել տւեց նրա ոտքերի ոսկոռները՝ թոկերով սեղծած փայտերի մէջ: Գրիգորը դարձեալ ողջ մնաց: Յետոյ նրան պարկեցրին գետնի վրայ, արեւի տակ, երեսը դէպի երկինք, եւ գլուխը սեղմեցին ատաղձագործի մամուլի մէջ: Այդ գրութեան մէջ նրա բերանը լցնում էին աղ, բորակ եւ քաջախ, գլուխը փաթաթում էին տաք տաք մոխրի տոպրակներով, երկաթէ ճանկերով խոցոտում էին նրա փորը եւ մարմնի վրայ ածում էին հալած կապար: Գրիգորը այնուամենայնիւ կենդանի մնաց: . .

Այսպէս դարերի ընթացքում միշտ տանջող Հայաստանը ողջ է մնացել մինչեւ այսօր: Զպէտք է կարծել, որ ժամանակակից մարդիկ, որոնք իրենց քաղաքակրթւած են համարում, թող կրտսն, որ հայութիւնը անհետանայ երկրի երեսից, ու մեղսակից կը հանդիսանան սուլթան Աբդուլ Համիդին եւ եւրոպական կառավարութիւններին»:

Պ. Ֆրանսիս Դը Պրէսանսէ իր «Ծարը և Հայերը» վերնագրով կարճ, բայց կտրուկ յօդածում մասնանիջ անելով ռուս կառավարութեան ընթացքը դէպի իր հպատակ հայերը, հետեւեալ կերպով է ամփոփում իր միտքը.

«Սա մի սարսափելի եւ ապուշ բռնապետութիւն է: Այս է այն բոլորը, ինչ որ «սուրբ Ռուսաստանը» առաջարկում է քրիստոնեայ Հայաստանին:

Իսկապէս սուլթանի եւ յարի մէջ — սատանայի եւ խոր ծովի մէջ — հայերը կարող են յուսալ մի միայն իրենց, իրենց կազմակերպութեան, իրենց յօգնաշխատ ջանքերի եւ համայն աշխարհի մէջ արդարութեան եւ Յեղափոխութեան կուսակիցների համակրութեան վրայ»:

Ն Ի Ի Ր Ա Տ Ի Ո Ի Թ Ի Ի Ն

ԱՐԵՒՍՏԵԱՆ ԲԻՒՐՈՆ ստացած է՝

Մորշախէն պ. Ար.-էն 3 ֆրանք, Նոյն տեղէն պ. Աշ.-էն 1 ֆր., Աստղ.-էն 5 ֆր., «Կոռնիկ» խմբէն 66 ֆր. 25 սանթիմ, Յուրիսէն Ար. Համ.-էն 3 ֆր., Կարիճէն 16 ֆր., Աղ.-էն 1 ֆր., Վէլ.-էն Գեղունիէն 3 ֆր., Կալկաթայէն՝ Գ. Գ. եւ Ն. Տ. 25 ֆր., Մօլէկիլից՝ 86 ֆր. 15 ս., 147 ֆր. 77 ս., 206 ֆր. 88 ս., Ժամբորդից Նւէր 60 ֆր.: Գումարը 624 ֆր. 5 սանթիմ:

ՈՍԿԵՅԱՆՔԻ ԿՈՄԻՏԵՆ՝

Յուլիս ամսէն առաջ՝ Վեցհարւածեան (հինգ ամսական) 100 դահեկան, «Արապո» խումբ 40, եւս 46. 75, եւս 50. 50, Մահ (յունուար, փետր. եւ մարտ ամսավար) 87. 50, «Արշալիրեան» խմբէն ծառայ 20, Առիւծ 4, Արու-բաթը 20, Աղ-բատասէր Անուշեան 20, Որոտ երեք անգամէն 21, Կայծակ 20,

Աշոտ-Երկաթ 10. 50, Զ. քաղաքի «Ազգասէր» խմբէն 80, Ար-ՇԱԿԱՆԱՆՆ 100 դահ. հետեւեաններէն՝ «Անճազո» խումբ 60, «Երկիրեան» եւ «Ազգասէր» խմբերէն 40, Արեւ 20, Վեց հարւածեան 20, Գ. Գ. 20, ԱՐՇԱԿԱՆԱՆՆ 95 դահեկան հետեւեալներէն՝ «Անճազո» խումբ 60, «Երկիրեան» եւ «Ազգասէր» խմբերէն 35 դահ.: Գումարը 775. 25 դահեկան (ողջ):

ՀՈՒՐ ԵՐԿԱՆԻՆ՝ Եռանդ (եղբորը յիշատակին) 1 օսմ. ոսկի 178. 50 դահ., Սուրսանդակ 1 օսմանեան ոսկի, Սոխակ 1 օսմանեան ոսկի Թուղթ 156 դահեկան, Զամ 156 դահեկան, Դժբախտ 101. 50, Սանատուկ 148. 50, Լուսին 33, Վահանին հայրը 82. 50, Հաճի պէռպէն 17. 50, Արշոն 99, Լուսին 66, Զազմիր Բերիէ 99, Շամցի 95, Երկու օխայ պատուորմայ 66, Շաքար 66, Սոխ 65, Սեդրակին եղբորմէն 17. 50, Անուն տուգաղ Դարձակ 70, Արթին փաշա 33, օր. Խալիս 42.: Գումարը 1985 դահ. (փուտ դրամ):

Յուլիս ամսէն սկսած՝ ՆիւՈՒԷ քաղաքի «Սոսէ» խմբէն 60, «Արաք» խումբ 46, Պահլաւ 10, Վեց հարւածեան 20, Վեշապ 10, «Արաք» խումբ կրկին 80, Անճազ (հին հաշիւէն) 30, «Որոտու» խումբ 37, Առիւծ երկու անգամէն 8. 25, Արեւ եւ «Զիրուր 10-ական, Վեշապ կրկին (երկու անգամէն) 10, Լուսին Աստղ, Կարիճ եւ Ոմն 5-ական, Կրակ 5, Վահրամ եւ Սեպուհ 10. 50-ական, Վեց հարւածեան 20, «Հրապարակ» 20, Զիրուր 10. 50, «Արաք» խումբ 80. 50, Վեց հարւածեան 20: ԱՐՇԱԿԱՆԱՆՆ՝ «Անճազո» խումբ 84, «Երկիրեան» խումբ 80, «Ազգասէր» խ. 16, Ժիլիլը գիւղ 60 դահ.: Գումարը 718. 25 դահեկան (ողջ):

ԱՍԵՐԻԿԱՅԻ ԿԵՂՐ. ԿՈՄԻՏԵՆ՝

ՓՐՈՎԻՏԷՆՍԻ ԿՈՄԻՏԵՆ (1899 յունվ.-դեկտ.) Ա. Թ. 15. 25 դոլար, Վարաժ 11. 50, Բարկէն 10. 75, Ն. Թ. 10, Գ. Թ. 10, Ա. Ս. 8. 50, Վարդգէս 8. 25, Ս. Թ. 8. 25, Վասթ 8. 25, Թ. 8. 8. 6. 50, Ա. Ն. 6. 25, Կ. Ե. 6, Գ. Մ. 5. 50, Զարիճ 5, Վահագն 5, Խոհարար 5, Կ. Տ. 8. 5, Ա. Մ. 5, Գ. Ա. 4. 25, Հրաշեայ 4. 50, Կ. Ս. 3. 50, Տ. Խ. 3. 50, Ա. Ա. 3. 25, Մ. Գ. 3, Թաթուլ 3, Ասատուր 2. 50, Կ. Կ. 2. 25, Ա. Արշ., Վահրամ, Գուրգէն, Կայծակ, Մ. Զ., Վեշապ, Հաճի-Գ. 2-ական, Կրատի-նարով 1. 50, Ա. Զ., Գ. Ա., Լ. Գ., Կ. Խ., Տ. Տ., Սուրէն մէկ-մէկ, Որբիկ 50 սէնթ: Գումարը 191 դոլար 75 սէնթ:

ՓԻՉՊՈՒՐԿԻ ԿՈՄԻՏԵՆ (1899 յունվ.-դեկտ.) անդամավճարներէ 18 դոլար 31 սէնթ:

ՄԵՆՉԷԼՆԻ ԿՈՄԻՏԵՆ (1899 յունվ.-դեկտ.) անդամավճարներէ 17 դոլար 95 սէնթ:

ՆԻԻ-ԵՕՐԱԻ ԿՈՄԻՏԵՆ (1899 յունվ.-դեկտ.) անդամավճարներէ 30 դոլար 36 սէնթ:

ՓՈԼՐԻՎԸՐԻ ԿՈՄԻՏԵՆ (1899 յունվ.-դեկտ.) անդամավճարներէ, Նւիրատուութիւններէ եւայլն 37 դոլար 85 սէնթ:

ՆԱԽԱՆԳԱՅԻ ԿՈՄԻՏԵՆ՝

«Նորարար» ընկերութիւնից 40 ռուբլի, Գազանից 13, Մեղիք, Մէֆէր 5-ական, Յովսէփ Միսաք 3-ական, Զօյս 2, Ալօն, Պատմ, Ապատուր, Յարութիւն, Պետրոս, Յարօն, Էլօն, Մուրատ, Վարդան, Գէորգ, Սահակ, Գասպար, Գօգան, Կարօ, Սարգիս, Ումրօն մէկ-մէկական, Փլան, Ասօն, Առաքել 50-ական կօպէկ, ՆՈՐ-ԱՄԷԼԱԻ «Զաւէն» խմբից՝ Տաճատ, Հայկ, Արշակ, Կարօ 10-ական կօպ., Սամէլ, Սանասար, Արծիւ 15-ական կօպ., Վարդան, Առիւծ 20-ական կօպ.: Գումարը 89 ռուբլի 75 կօպէկ:

ՔՕՍՏԱՆԶԱՅԻ «Դեւեան» խումբը ստացած է՝ Գ. Ս. 5 ֆրանք, Կ. Ն. 10, Վահրիշ 4, Ս. Մ. 2, վեց ստացականով համակրողներէն ստացւած է՝ Ա. Դեղ. 2, Ոմն 5, Գ. Մարգարեան Ս. Զ., Մ. Գ. Տ., Ե. Վ. մէկմէկ ֆր. Գումարը 32 ֆրանք:

Ղ Ա Ր Ի Ր

Ա. Զ. Ա. Տ. Ո. Ի. Թ. Ե. Ա. Ն. Ճ. Ա. Ն. Ա. Պ. Ա. Ր. Հ. Ի. Ն.

ՊԱՏԿԵՐՆԵՐ ՀԱՅ ՅԵՂԱՓՈԽԱԿԱՆ ԿԵԱՆՔԻՑ

(ԱՐՏԱՏՊԱԾ «ԴՐՕՇԱԿ»-ԻՑ)

Լոյս տեսաւ առաջին գրքոյկը: Գինն է 50 սանտիմ, ճանապարհածախսով 60 սանտիմ: Դիմել՝

Rédaction du Droschak, Genève (Suisse)